

東北文化社叢刊之一



呼倫貝爾概要

鄒尚友朱枕薪合編

呼倫貝爾概要目次

第一章 呼倫貝爾之地理……………一至四六頁

(一) 位置與面積

(二) 山脈與河流

(三) 氣候

(四) 民族

(五) 人口

(六) 城市

呼倫貝爾概要 目次

—

117363

(七) 交通

(八) 古蹟

第二章 呼倫貝爾政治史……………四七至九六頁

(一) 清以前之呼倫貝爾

(二) 清之經營與俄之侵略

(三) 第一次獨立與自治經過

(四) 收復呼倫貝爾始末

(五) 呼倫貝爾青年黨之出現

- (六) 第二次獨立運動之失敗
- (七) 蘇維埃政府之曇花一現
- (八) 中俄糾紛期內之赤色恐怖
- (九) 最近呼倫貝爾之政治組織
- (十) 最近呼倫貝爾之蒙旗

第三章 呼倫貝爾之經濟的價值……………九七至一三〇頁

- (一) 農業
- (二) 畜牧

呼倫貝爾概要 目次

呼倫貝爾概要 目次

四

(三) 林業

(四) 狩獵

(五) 漁業

(六) 礦業

(七) 工業

(八) 商業

(九) 幣制

第四章 呼倫貝爾社會狀況……………一三一至一五〇頁

(一) 衣食住行

(二) 婚嫁喪葬祭祀

(三) 宗教

(四) 神話與迷信

(五) 教育

第五章 呼倫貝爾之前途……………一五一至一六四頁

(一) 呼倫貝爾問題之意義

(二) 呼倫貝爾與中國之關係

呼倫貝爾概要 目次

呼倫貝爾概要 目次

六

(三) 蘇維埃化之不可能

(四) 呼倫貝爾之前途

附錄

(一) 呼倫貝爾全境疆域方里表

(二) 呼倫貝爾境內中俄陸路國界鄂博表

(三) 呼倫貝爾沿邊國界卡倫沿革表

(四) 呼倫貝爾紀事(宋小濂詩)

(五) 呼倫貝爾懷古(張家璠詩)

(六) 呼倫貝爾獨立運動之內幕(譯密勒氏評論報)

附圖一——呼倫貝爾地圖

附圖二——呼倫貝爾天然富源圖

呼倫貝爾概要 目次

七


呼倫貝爾概要 目次

第一章 呼倫貝爾之地理

(一) 位置與面積

山陰朱慶瀾撰『呼倫貝爾志略叙』云。呼倫貝爾在黑龍江省之西北。縱二千餘里。橫及少半焉。大興安嶺峙其左。額爾古訥河環其右。東省鐵路貫穿之。民族强悍。物產殷阜。誠天府之雄圖也。(註二)

考呼倫貝爾一隅。爲吾國國防邊疆重地。位於黑龍江省之西北部。東據大興安嶺之山脈頂。西南界喀爾喀部車臣汗。西北襟額爾古訥河。與後貝加爾接壤。北臨黑龍江本流。南連索岳爾濟山。在北緯四十七度至五十四度。及東經一百十五度至一百二十二度之間。據東省鐵路經濟調查局之調查。(註二)其總面積計共十五萬五千五百九十九平方



公里。合十三萬六千四百九十一平方俄里。但一云東西廣八百餘里。南北斜袤一千四百餘里。(註三)又一云面積爲六十四萬七千餘方里。(註四)『呼倫貝爾志略』。則載全境面積爲一二七八七五〇方里。東西寬一〇六〇方里。南北長一二〇〇方里。(註五)又載各縣面積道里如下。

呼倫縣

面積 二五〇〇〇方里

東西寬 三七五里

南北長 八一二里

臚濱縣

面積 三九九七五〇方里

東西寬

六五〇里

南北長

六一五里

室韋縣

面積

九九〇〇〇方里

東西寬

三三〇里

南北長

三〇〇里

奇乾縣

面積

五三〇〇〇方里

東西寬

五三〇里

南北長

一〇〇里

呼倫貝爾概要

第一章

呼倫貝爾之地理

中東鐵路經濟調查局所調查之呼倫貝爾各縣面積。如下表。

縣別	面積(以平方公里計)	占全面積之百分率
奇乾	二七,六八二,三	一七,八
室韋	一四,八二二,五	九,六
呼倫	五五,六六六,六	三五,七
臚濱	五七,四二八,七	三六,九
共計	一五五,五九九,七	一〇〇,〇

前呼倫貝爾蒙旗學校校長郭摩西道甫云。呼倫貝爾南北長約一千五百餘里。東西寬約七八百餘里。他的形勢是好像一個躺着的老虎。呼倫湖是他的眼睛。貝爾湖是他的舌頭。額爾古訥河是他的脊梁。奇乾

金廠是他的尾巴。興安嶺就是他一伸三收的四條腿。還有最南隅的阿爾山溫泉。好像由老虎嘴裡吐出來的聖靈水珠似的。(註六)

關於呼倫貝爾之面積統計。衆說紛紜。莫衷一是。蓋有由焉。誠以呼倫貝爾當軸。認其西南邊界沿喀爾喀河。而喀爾喀則認呼倫貝爾境內喀爾喀河附近之八公里地帶。屬喀爾喀轄地。雙方執持。久久不決。其貝爾湖西北部疆界。亦迄未劃分清楚。事實上尤多爭執。此所以面積統計之不易劃一也。

上海英文『密勒氏評論報』言呼倫貝爾面積廣約七萬六千平方英里。較之美國伊里諾斯州。尙大逾三分之一。(註七)按七萬六千平方英里。約合二十二萬三千平方公里。以上數說。未知孰是。姑並誌之。

長約一千公里。兩岸曲折。水不甚深。其他曰海拉爾河。呼倫城在其南岸。其注入額爾古訥河處。則中俄國界所由分也。曰根河。距河三十餘里爲官渡口。華俄商旅必由之道也。曰吉拉林河。一作哈喇爾河。亦作和倫河。我金廠所在地。曰額爾古訥河。按額爾古訥云云。蒙語以手遞物之謂也。人曲腰以手遞物。每成一六十五度之三角形。海拉爾河西北流至阿巴該圖山。忽折向東北流。其折彎處亦成一六十五度之三角形。卽如人以手遞物之勢。蒙人取其義。故更名曰額爾古訥。是額爾古訥河之起點。卽海拉爾河之終點。大勢東北流自阿巴該圖山西起。至與黑龍江匯流處止。長一千五百餘里。

此外有貝爾湖及呼倫湖。貝爾湖形如瓜瓠。面積占六百至七百平方

公里。湖水透明。清可澈底。呼倫湖一名達賚湖。達賚卽海泊之意。爲諸河瀦水之區。近人疑係前大地中海之遺跡。長約二百餘里。東西廣百餘里。周可五六百里。總面積共一千一百餘平方公里。據調查該湖係容受湖。非交與湖。湖水深不可測。蒙人不習舟楫。向無探其深淺者。冬日嚴寒。中間不凍。酷暑日蒸。水色變綠。人不敢飲。風起則潮浪鼓蕩。水溢數丈。『黑龍江外紀』載呼倫湖產五色鹽。不糞可食。

(三) 氣候

呼倫貝爾旣與戈壁沙漠爲隣。復有崇高之興安嶺橫貫其間。山嶺重疊。河水縈繞。林木蒸蔚。沼澤星布。因此氣候之轉換與他地不同。宋小濂『曉渡根河』詩。有昨日尙暖今朝寒。邊庭氣候竟如此句。蓋紀

實也。

『黑龍江外紀』謂呼倫貝爾氣候極寒。近人朱慶瀾亦謂呼倫貝爾氣候高寒。昔人有上天邊子之語。足見其地勢之高矣。地勢高者必寒。故呼倫貝爾每年之平均溫度。在零點以下。四時之氣多風。春秋震漠驚砂。飛揚尤甚。夏曆三月杪始解凍。興安嶺陰有經年不釋之冰。四月不時雪霰。入夏偶暄。當午極炎。早暮仍涼如深秋。六月掘地五尺猶凍，七月已霜。草木黃落。八月降雪結冰。十月河道暢行冰撬。冬則嚴風砭骨。出門噓氣成霜。茲將其氣壓。風向。溫度。與雨量分別說明如下。

氣壓 呼倫貝爾各地之平均氣壓數量。在民國十三年。滿洲里爲七

○三·三。海拉爾爲七〇六·四。免渡河爲六九八·五。在民國十四年。滿洲里爲七〇三·四。海拉爾爲七〇七·〇。免渡河爲六九九·一。又民國十四年之氣壓。在滿洲里。最高爲七〇九·二。最低爲六九七·二。相差計一二·〇。在海拉爾。最高爲七一三·一。最低爲七〇〇·六。相差計一二·五。在免渡河。最高爲七〇四·五。最低爲六九三·五。相差計一一·〇。(註九)

風向

與氣壓相關最密者。厥爲風向。呼倫貝爾之風。其來也有定時。其轉變亦比較有一定之季候。其最普通之風。爲西風。西北風。西南風及東風。一年之中。除夏季之六七八三月多爲東風。東北風及南風而外。其餘之時日常爲西風。春秋兩季最多西北風。

。西風及西南風。茲錄滿洲里。海拉爾。及免渡河三處之平均風向速度表（註十）如下。

	民國十三年			民國十四年		
	早	午	晚	早	午	晚
滿洲里	二二五	四〇	一七	二二三	四三	二〇
海拉爾	一七	三五	一七	一六	三二	一四
免渡河	一二	三五	一四	一五	三五	一三

溫度

呼倫貝爾每年之平均溫度。在零點以下。試觀左列兩表。（註十一）

——溫度表

	民國十三年			民國十四年		
	平均 度數	最高 度數	最低 度數	平均 度數	最高 度數	最低 度數
滿洲里	一一七	一三九、八	三九、五	一〇、一	一三七、六	三三、二
海拉爾	一二、八	一四三、六	三六、九	一〇、九	一四一、一	三五、三
免渡河	一三、四	一四三、七	三二、八	一一、六	一四二、三	三〇、八

一一——結冰期表

滿洲里	民國十三年		民國十四年	
	結冰日期	解凍日期	結冰日期	解凍日期
	九月十二日	五月八日	九月十一日	五月十七日

海拉爾	九月十二日	五月五日	九月十五日	六月十三日
免渡河	九月九日	五月廿七日	九月七日	六月十四日

雨量

呼倫貝爾每年之雨量。以夏日爲最多。冬日爲最少。自冬入夏之時。每逐漸加多。迨自秋徂冬。則日益減少。茲錄其雨量表及雪期表(註十二)如下。

一——雨量表

滿洲里	民國十三年	民國十四年
海拉爾	二二三·五	二八一·二
免渡河	三〇〇·七	二八四·九
	三六四·七	二三〇·四

二——雪期表

		民國十三年		民國十四年	
		降雪日期	止雪日期	降雪日期	止雪日期
滿洲里		九月七日	四月廿四日	十月三日	四月二日
海拉爾		十月二日	五月七日	十月三日	四月三日
免渡河		十月三日	五月七日	十月三日	五月十日

(四)民族

呼倫貝爾爲漢蒙雜居之區。近俄人來者亦衆。漢人雖有省籍之分。而無族系之異。而蒙旗當清初雍正間遷駐之初。方域不一。部族各殊。類多從事遊牧生活。逐水草而居。但亦有以獵爲業者。

所有呼倫貝爾之蒙古遊牧民族。可分爲兩類。一爲通古斯族。一爲蒙古族。屬於通古斯族者。爲索倫及通古斯。遷自後貝加爾。屬於蒙古族者。爲察普臣(舊布萊雅)。新蒙古布萊雅。額魯特。達呼爾及後貝加爾布萊雅數種。

蒙古人之移殖。始於十八世紀之初。雍正十年。清廷始下諭旨。將齊齊哈爾境內之索倫。額魯特。察普臣及達呼爾。分別移往呼倫貝爾。逾三年。由喀爾喀遷往遊牧者。復有蒙古及布萊雅特人。

索倫 遼裔。漢稱通古斯。俄語喀穆尼。皆索倫也。一名索莪羅。

譯漢義卽由上來臨之意。爲內興安嶺東北蒙古之巨族。康熙三十年(一六九一年)編入旗籍。名曰索倫名隊。驍勇善戰。雍正十

年（一七三二年）。由布特哈遷駐呼倫貝爾。兵數爲一千六百三十六名。附以達爾虎陳巴爾虎。共編八旗。

現在索倫族之游牧地點。在中東鐵路線迤北者。有由額爾古納河起至興安嶺山嶺地帶之草原。及根河流域一帶。在中東鐵路線迤南者。有洪果勒河附近之區域。

達呼爾

方式濟『龍沙紀略』。謂達呼爾是元代軍民府之遺。亦曰愛

門人。俗誤打狐狸。或作打虎力。又稱達呼里。按達呼爾本契丹種。遼亡。徙黑龍江北境。初爲打牲部落。繼在東布特哈迤北游牧。及興安嶺山脚一帶就水草而居。康熙二十八年（一六八九年）編入八旗。雍正十年。由布特哈遷駐呼倫貝爾。兵數爲七百三十

名。

陳巴爾虎 外蒙喀爾喀之屬部。以戍邊闌入俄境。清康熙時征俄。

遂自俄境來歸。編入八旗。此族人昔在木蘭圍場游牧。後遷至興安嶺北迤東一帶。雍正十年。由布特哈遷至呼倫貝爾。兵數爲二百七十五名。冬日沿海拉爾河上游。夏則沿海拉爾下游逐水草而居。

新巴爾虎 外蒙之喀爾喀部也。昔在外興安嶺北麓游牧，清嘉慶間

漸向南徙。遂成部落。因其言語與陳巴爾虎相通。故名巴爾虎。

新編入旗。故曰新巴爾虎。遷駐呼倫貝爾者。在雍正十二年。由外蒙車臣汗移去。兵數爲二千四百八十四名。編爲八旗。在伊敏

河兩岸游牧。

額魯特

一作鄂勒特。亦云厄魯特。其先世爲元牧奴。明清間強盛

。號稱四部。居黑龍江者。爲額魯特族之準噶爾部人。乾隆十二年。準噶爾台吉巴桑投誠。附打牲部落之後。遷駐呼倫貝爾者。係於雍正十年。由阿爾泰移去。編爲一旗。牧地在喀爾喀河迤東寬翁河一帶。

鄂倫春

爲索倫之別部。與索倫同一來源。元時稱爲林木中百姓。

清初謂爲樹中人。俗呼之爲麒麟。散處深山。居無室廬。遷徙靡定。以打牲爲業。衣皮食肉。有步及猛獸之能。俗多養麋鹿。並以鹿代馬。出入於興安嶺山脈一帶之山林。後以流行瘟疫。鹿類

傷亡殆盡。乃改用馬匹。於是騎馬使槍。習成特技。

現在興安嶺附近鄂倫春盤踞之地。爲甘河上游。及其支流依肯。維圖爾。圖拉各河。並海拉爾上游。及其支流大摩那里小摩那里二河。

布萊雅 有新布萊雅與舊布萊雅之分。舊布萊雅即察普臣。遷自喀爾喀。初彼等越過興安嶺。居於嫩江境內。編入滿洲旗籍。雍正十年。始與索倫及達呼爾同移呼倫貝爾。現在奄有呼倫貝爾西北部之草原。爲各游牧民族中最有資產者。

新布萊雅人與舊布萊雅人相同。亦遷自喀爾喀部。但其遷移年限。後於舊布萊雅三年。其游牧地點。在呼倫貝爾西南部。達賚

湖附近一帶。烏爾順河流域。及貝爾湖左右。

扎薩克圖 哈薩克之分支也。在呼倫湖西南一帶。有打牲者。有游

牧者。扎薩克圖一作雅庫特。居興安嶺之北部。

後貝加爾布萊雅及通古斯 俄國十月革命後。內亂波及西比利亞

。一九一九及一九二〇年時。後貝加爾布萊雅及通古斯。遂自俄境陸續遷至呼倫貝爾。一部游牧於甘河附近及墨爾根河沿岸。一部游牧於海拉爾迤南之程河及溫特肯河左近。自成部落。其生活狀況。保持純粹之俄國風。與當地蒙古部落迥不相侔。言語習慣。一仍其舊。

(五)人口

呼倫貝爾舊爲民兵制。清雍正時所選蒙旗兵數。祇有六七千人。當時所需茶布米物。須越興安嶺之險。至齊齊哈爾交易。各旗總管以來往困難。相度地勢。闢海拉爾爲市場。招山西行商貿易。以後直魯兩省暨黑龍江省人。亦多至呼倫貝爾經商。中東鐵路築成後。交通大便利。俄人來者尤衆。茲以中東鐵路經濟調查局一九二七年所編之人口表錄下。(註十三)

游牧民族

蒙古族	二七，六六二人
後貝加爾布萊雅及通古斯族	三，一一〇人
共計	三〇，七七二人

土著民族

漢人……………一七，一七七人

俄人……………二二，六五八人

其他……………二六九人

共計 四〇，一〇四人

行獵民族

鄂倫春……………八九五人

雅庫特……………二五〇人

共計 一，一四五人

呼倫貝爾人口總數……………七二，〇二一人

中東鐵路經濟調查局同時(一九二七年)調查中東鐵路沿線及各河流附近之人口。言在鐵路區域以內。人數約近四萬。其中俄國僑民最多。佔全數百分之五十四。次為漢人。比例數為百分之四十五。蒙古人約佔百分之一。試觀左列兩表。

一——中東鐵路沿線人口表(註十四)

站別	俄人	漢人	蒙人	共計	附註
滿洲里	八九九七	二九三九		一一九七七	日本人 四一
扎蘭諾爾	二,三二七	一,三二一		三,六六六	日本人 二八
察罕	二二八	七七		三〇五	
霍爾歡台	八二	三九		一二一	

完 工	七二	三七		一〇九	
烏固訥爾	二五	三三		五八	
海拉爾	四二一八	九八二六	二〇〇	一四二四四	舊城中人口一併計算 在內
哈 克	一四〇	四二		一八二	
扎羅木台	二〇〇	一一五		三一五	
雅克什	六一一	七〇		六八一	
免渡河	四八三	一八〇		六六三	
烏努爾	七六	六九		一四五	
霍爾果	三三	五八		九一	
依列克台	二八一	六七		三四八	
興 安	二七六	一三八		四一四	

總數	一八〇三九	一五〇二一	二〇〇	三三三一九
----	-------	-------	-----	-------

二——各河流附近之人口表(註十五)

河流名稱	俄人		漢人		布萊雅及通古斯		共計	
	戶數	人口	戶數	人口	戶數	人口	戶數	人口
額爾古納河	二〇一	一〇二九	四三三	一九七六			六四四	三〇〇五
甘河	二〇二	一、二三〇	一八	八五			二二〇	一、二一五
得爾布爾河	一五一	八六五	二七	一一五			一七八	九八〇
霍倫河	二二	一三五					二二	一三五
墨爾根河	一八三	一、二一〇			一一五		二九八	一八二〇
程河	四〇	二五〇			三〇〇	二、五〇〇	三四〇	二、七五〇

共計 七九九 四六一九 四五八二 二七六四 一五三二一〇 一六七二 九九〇五

又據民國十一年(一九二二年)督辦呼倫貝爾善後事宜公署所調查之戶口表。呼倫貝爾全境共有一萬二千五百五十二戶。男女七萬零六百六十八人。其中蒙人二萬七千六百六十二人。漢人一萬五千六百六十八人。外僑二萬七千五百三十八人。詳如下。

一——漢族戶口表

	戶數	男	丁	女	口	人口總數
呼倫	九五	四,一五四			六五六	四,八一〇
臚濱	一四一三	七,九八六			七四九	八,七三五
室韋	二八三	六,七三			一三四	八〇七

奇	乾	統	計
二九一	九六六	二九三七	一三、七、七九
一五〇	一一一六	一六八九	一五四六八

二——蒙旗戶口表

倫	索					族	戶	數	男	女	人口總數
	廟藍旗	廟黃旗	廟紅旗	正白旗	正黃旗	旗別					
	四六	七四	三七	九五	三三八	正紅旗	一六四	二八一	二三五	五一六	
	九二	二一四	八三	二八三	七九三	正黃旗	五九五	一三八八			
	九五	一九六	六八	二二四	五〇七	正白旗					
	一八七	四一〇	一五一			廟紅旗					

額魯特	爾虎	陳巴	新 巴 爾 虎								
			廂黃旗	廂白旗	正藍旗	廂藍旗	廂黃旗	廂紅旗	正白旗	正藍旗	正黃旗
一四八	二八八	四二五	一二〇	三五〇	三一二	二一八	三五〇	三三二	三六九	一六七	
二六六	一四一二	一七六九	九八九	九五五	八三八	四七八	一七三七	一二七一	九五九	四〇九	
二一六	一三六四	一六七〇	一二一四	一二七九	一二五五	六二九	一二二七一	一二八七	一二七八	五三四	
四八二	二七七六	三四三九	二二〇三	二一三四	一九九三	一一〇七	四〇〇八	二五五八	二一三七	九四三	

鄂倫春	廟蓋旗	一七九	三五八	三六五	七二三
統計	一八旗	四,一三二	一三,一八七	一四,四七五	二七,六六二

三——外僑戶口表

國別	戶數	人口數
日本	二〇	一三五
英國	四	七
法國	一	二
土耳其	二	三
意大利	一	八
波蘭	三	八

德	國	一	四
俄	國	五、四六八	二七、三五九
朝	鮮	三	一二
統	計	五、五〇三	二七、五三八

又據一九三〇年日本第二回國勢調查。在滿洲里。扎蘭諾爾。海拉爾三處之日本僑民。共計二百二十一人。內男九十六人。女一百二十五人。在滿洲里。扎蘭諾爾。海拉爾。達賚湖之朝鮮人。共計六十五戶。男女一百七十五人。內男八十六人。女八十九人。

督辦呼倫貝爾善後事宜公署之調查。在民國十一年。全人口共計七

萬零六百六十八人。中東鐵路局之調查。在民國十六年。全人口數爲七萬二千零二十一。五年中計增一千三百五十三人。

(六) 城市

呼倫 在唐爲室韋地。遼屬上京路。金屬北京路。明季爲索倫達呼爾所居。清初屬呼倫貝爾副都統轄地。光緒三十四年設呼倫直隸廳。民國三年六月正名爲縣。九年蒙旗反正。始實行縣制。現爲呼倫貝爾政治及經濟之中心。人口共約一萬四千餘。

呼倫一名呼倫貝爾城。以其地介在呼倫貝爾兩湖之間而得名。位在伊敏河左岸中東鐵路南。以近海拉爾河故。又名海拉爾城。

臚濱 一名滿洲里。爲中東鐵路西線之終點。地處呼倫貝爾之沙漠

部份。宋小濂題滿洲里詩云。羣山鬱蒼莽。沙草迷天荒。寒日淡
廻野。邊風嚴清商。

臚濱在清以前。與呼倫悉同。清初屬呼倫貝爾副都統轄地。光緒三
十四年置臚濱府。民國三年六月正名爲縣。九年蒙旗反正。始實行縣
制。人口約在百萬上下。

以上海拉爾與滿洲里兩地。皆於光緒三十三年（公元一九〇七年）。
由吾國自行開放爲商埠。

室韋 清以前及清初均與呼倫縣同。光緒三十四年。擬設直隸廳。

旋置吉林設治局。九年蒙旗反正。改設縣治。

奇乾 清以前及清初均同呼倫縣。光緒三十四年。歸珠爾干河總卡

倫屬。民國初。劃歸黑河道屬。九年蒙旗反正。設奇乾設治局。

十一年改設縣治。

按呼倫貝爾以前擬設縣治。除呼倫。臚濱。室韋外。未設者尙有舒都一縣。又民國三年。規劃縣治凡十一。曰奇乾。洪郭。甘珠。臚南。興都。庫博。根河。托河。牛耳。溫河。伊穆。今祇奇乾設縣。

甘珠廟會場 即壽寧寺道場。一名萬人市。在呼倫城南三百二十里

。爲呼倫貝爾之絕大市場。歲以八月爲集期。遠近商賈輻輳。列肆陳貨。穹廬遍野。車馬喧闐。頗極一時之盛。內外蒙古及呼倫貝爾境內各旗民之趁墟者。率驅駝馬牛羊爲交易品。國稅收入額亦甚鉅。每年此項稅收。約自一萬元至一萬二千元。地方官且親

臨監視。以資鎮壓。並調兵保護。以利貿易焉。

(七) 交通

呼倫貝爾僻在荒服。河山阻隔。在昔久困交通。清代駐防三邊。通道而外。曾有驛台之佈置。清末設中東鐵路。貫穿其境。由滿洲里站起。至興安站止。其中距離達三百七十二公里。此外有各河流爲水道之交通。茲以鐵路。水路。旱路交通三者。分別說明如下。

一 鐵路交通

滿洲里站 距哈爾濱九百三十五公里。爲中東鐵路之終點車站。與俄國後貝加爾鐵路相銜接。凡取道西比利亞之歐亞旅客。均須在此換車。

扎蘭諾爾站 距滿洲里站二十九公里。與滿洲里往來之交通。除鐵

路外。尚通行汽車。

磋崗站 距扎蘭諾爾站三十二公里。車站附近。卽爲額爾古訥河流

域。

海拉爾站 距滿洲里站一百八十七公里。距哈爾濱站七百四十八公

里。車站四圍。均係高坡。故車必進站後。方始望見之。過海拉

爾站後。鐵路線通過伊敏河橋。橋長二百二十四公尺。

牙克什站 車站有俄國大村落一處。居民多爲俄國後貝加爾之移民

。共約七百人左右。過牙克石站。經扎東果勒橋後。鐵道線卽穿

入山陵。

免渡河站 距牙克什站三十二公里。經免渡河站後。鐵路線復穿行

札東果洛河左岸。循烏諾爾河旁而進。

興安站 居興安嶺上茂林深處。爲中東鐵路所經過地段最高之處。

二·水路交通

呼倫貝爾之河流。水勢多湍急。不便舟楫。平流之水。復不充足。事實上堪以行舟者。惟額爾古訥河。但不貫穿呼倫貝爾全境。僅由室韋及其支流與石洛喀河一段。長約四百三十六公里而已。

額爾古訥河水。最深處三十尺。最淺處二尺。最寬處三千六百尺。最狹處四百五十尺。自臚濱縣境北起。至庫克多博卡倫出臚濱縣境。約三百餘里。由室韋縣境西南根河匯流處。向室韋縣境東北順流至奇

乾縣畢拉爾河卡下流。約四百餘里。再自奇乾縣境西南。室韋縣境東北。流入黑龍江。約七百餘里。

此外可供放木之河。除額爾古訥河外。有海拉爾河。伊敏河。及卑斯特那牙河。

三、旱路交通

呼倫貝爾之旱路交通。以海拉爾爲起點。在鐵路北者。爲

一、至額爾古訥河一帶之路。

二、至三河一帶之路。

三、至烏爾基赤汗林場之路。

在鐵路南者。爲

- 一·至齊齊哈爾之路。
- 二·至阿爾善浴場之路。
- 三·至牙多爾斯喀牙林場之路。
- 四·經興安嶺至富拉爾基之路。
- 五·至甘珠寺之路。
- 六·至桑貝子庫倫之路。

呼倫貝爾之旱路。多係出於天然。並不藉人工而成。僅蒙人游牧時加以修墊而已。以土地原質堅厚。不惟駝馬可以通行無礙。即汽車亦可自由往來。現時在呼倫貝爾境內營業之汽車。共約五十餘輛。其由海拉爾站至各處里程日數及車價。列表如下。(註十六)

汽 車 路 線	距離公里數	在途中時間	車 價	
			每 人	貨物每布特
由海拉爾至庫倫	一三五〇	八日	一〇〇元	一六元
由海拉爾至室韋	三五〇	十小時	二〇元	三元
由海拉爾至烏洛夫河口	六〇〇	十八小時	四〇元	三元
由海拉爾至阿爾善鑛泉	三五〇	十小時	二五元	三元
由海拉爾至甘珠爾寺	一八〇	六小時	一五元	二元

(八) 古蹟

索岳爾濟山 遼名七金山。高三百餘丈。週千餘里。爲呼倫貝爾與

內蒙東四盟界山。清乾隆間有荒火之變。林木蕩然。野獸焚死無算。至今巖石焦黑處。猶有燎原遺跡。

兀朮長城 一名金源邊堡。由根河南岸蜿蜒一線。經滿洲里驛。北入外蒙車臣汗扎薩固山貝子界。自東而西。長五百里。今有土壕遺址可尋。高處約三四尺不等。就地理考之。殆卽金初所謂舊設堡障也。

鐵木哥斡赤斤故城 廢址在根河北岸各拉司納牙村西庫里頁爾山西北三里許。特勒布爾河南岸一里許。爲斡赤斤所建。城高二丈。寬八尺。分內外二城。內城周四里。外城周八里。城各四門。外城四角有砲壘遺跡。東門裏有枯井一。深數丈。西門裏宮殿舊

址尙依稀可辨。又城東地勢廣闊。一望平坦。度其面積。可容萬幕。相傳爲元時兵馬操練場。

木蘭圍場 在索岳爾濟山。周千三百里。西臨大漠。東接西興安嶺。草木叢茂。禽獸繁殖。康熙四十年。幸索岳爾濟山。卽以其山作爲木蘭圍場。環山設守護圍場四十卡倫。

甘珠寺 一名壽寧寺。又名萬人市。乃新巴爾虎旗。左右兩翼爲某所建之福壽道場也。爲各旗適中地。每歲集會一次。率以八月朔日爲開市期。及期。各商雲集其間。凡蒙旗生活日用物品罔不備。蒙民終歲所需。咸於其時取給焉。半月閉會。閉會時喇嘛來誦經。睜眼聲與鼓錢聲相雜。洋洋盈耳。蒙民膜拜瞻禮者。踵接襁

連不絕。蓋以之結束熱鬧壇場云。

地穴

車臣汗東界與呼倫貝爾接壤處。有額爾得尼山。山不甚高。

下臨克魯倫大河。有巍巍獨尊之勢。元太祖曾起兵於其地。其旁有地穴。深不可測。昔人有以二十里長繩。繫重鐵探之。終不得其底。穴口旋風。日夜不息。或不及防。竟有被旋入穴者。見龔之論『後出塞錄』。

古洞

在巴圖爾和碩卡東北三十里山上。洞口約一丈三尺許。深莫

能測。以石投之。旋轉有聲。數刻不息。土人呼之曰古洞。並云每值天陰。有必先降雨之異。

時人有擬呼倫貝爾十景者。曰興安積雪。曰額河冰撬。曰雙湖魚躍

。曰寒馬鳴秋。曰鹽地堆銀。曰溫泉滌浴。曰壩後賽神。曰河口競渡。
。曰寺閣晚暉。曰沙阜古松。見『呼倫貝爾志略』。

註一——見『呼倫貝爾志略』。

註二——見『呼倫貝爾』第一頁。東省鐵路經濟調查局編輯。民國十八年四月出版。

註三——見天津庸報東北特派記者乃一通信。題爲『呼倫貝爾之政治組織』。

註四——見許興凱著『日帝國主義與東三省』。

註五——『呼倫貝爾志略』頁三十一。

註六——東三省民報郭道甫著『呼倫貝爾問題』。

註七——密勒氏評論報第五十一卷第四期。

註八——『呼倫貝爾』頁二。

註九——詳見『呼倫貝爾』頁二十至二十一。

註十——錄自『呼倫貝爾』頁二十三。

註十一——錄自『呼倫貝爾』頁二十四。

註十二——錄自『呼倫貝爾』頁三十一至三十二。

註十三——『呼倫貝爾』頁四十一至四十二。

註十四——『呼倫貝爾』頁四十五至四十六。

註十五——『呼倫貝爾』頁四十九。

註十六——『呼倫貝爾』頁七十。

第二章 呼倫貝爾政治史

(一) 清以前之呼倫貝爾

呼倫貝爾僻在荒服。上古之史不詳。或謂其在三代時爲肅慎故地。秦築長城。遂被棄於塞外。時有東胡據其地。後併於匈奴。漢時匈奴擾邊。漢武帝遣衛青出塞。(註一)北征匈奴至臚胸河(卽克魯倫河)。是爲中國兵力至呼倫貝爾之始。

天漢元年(西元前一〇〇年)。漢遣蘇武使匈奴。黃龍元年(西元前四九年)。匈奴呼韓邪單于來朝。永元三年(西元九一年)。伐匈奴。大破之。清『一統志』云。當時匈奴旣滅。以呼倫貝爾隸遼東郡西安平地。晉爲挹婁國境。亦屬地豆干國地。南北朝北魏宣帝推寅徙居於此

。後一再南遷。遂由烏洛侯（註二）代據其地。

隨時突厥強盛。併契丹。拓境日廣。自遼海至西海。自漠北至北海。廣五六千里。分東西兩部。呼倫貝爾則屬於東部。唐滅突厥。置黑水府都督。黑龍江一帶屬黑水部。五代勿吉部內靺鞨種人強大。得扶餘沃沮之地。建國於室韋山。山卽在今臚濱縣境內。並以室韋爲國號。凡八部。一曰南室韋。呼倫貝爾屬南室韋地。當日室韋國土。殆奄有呼倫貝爾全境。至宋契丹復強。破室韋。室韋之地盡屬焉。

契丹破室韋時。已建國號曰遼。以呼倫貝爾屬上京道。金源代興。呼倫貝爾屬上京路地。

元興於朔漠。稱帝於斡難河。呼倫貝爾西境額爾得尼托羅海。（註三）

乃其勃興起兵之地。（註四）是呼倫貝爾實當日戎馬蹂躪之場。郭道甫言（註五）元最初起兵時。呼倫貝爾完全爲韃靼部落之牧場。各部落皆奉一酋長。常與元之先世互爲征戰。如烏爾順河（註六）有塔塔爾部。與元爲世仇。元先世俺巴孩也速該俱爲所害。扎木合則與元始合終離。元秘史。雞兒年合答斤等十一部落。順額爾古涅河（註七）至刊木漣河。（註八）共立扎木合爲古兒合。（註九）古兒合者。皇帝之謂也。郭道甫曰。扎木哈與成吉思汗。同爲蒙古民族。不過扎木哈不肯甘心居下。故號召附和自己的蒙古部落。在呼倫貝爾北部的根河建都。自稱爲蒙古總可汗。而與成吉思汗爭霸。結局終爲他所敗。（註十）

塔塔爾部與扎木合。日後俱滅於元。元旣得呼倫貝爾。復南破兀朮

界垣。(註十二)西征歐洲。俄羅斯盡爲所有。大啟土宇。分封諸王。以額爾古訥河枯輪淖爾湖(註十二)一帶爲烈祖次子捌只哈兒(註十三)封地。枯輪淖爾兩湖以東暨嫩江東西。爲烈祖四子鐵木哥幹赤斤(註十四)封地。迨世祖都燕京。置嶺北中書行省。統和林路。制杭愛山以北。呼倫貝爾遂又改爲和林路控制之區。

明太祖起兵。元順帝北徙。止於呼倫貝爾。其孫脫古思帖木兒繼立。仍駐貝爾湖畔。(註十五)明洪武二十年。(註十六)遣藍玉率師十五萬。兼程北進。乘夜抵貝爾湖。大破元之殘軍。脫古思帖木兒以數十騎遁。獲其次子地保奴。永樂七年(註十七)。元嗣主本雅失里殺明使郭驥。八年。成祖親征。至臚胸河。更名曰飲馬河。本雅失里西遁。帝乃

命劉才築城於飲馬河上。永樂二十年。韃靼阿魯台犯邊。帝二次出塞親征至呼倫湖。阿魯台不敵。棄輜重馬畜於湖側。東走兀良哈。從可知呼倫貝爾乃明代征服之地。惜未置重兵鎮守。故仍爲蒙古民族自由游牧之場耳。宋小濂謂（註十八）明代呼倫貝爾爲蒙民游牧之地。諸王裂土分封。各自爲政。故其疆土雖係國家之屏藩。惜國家無統馭之力。其言信不誣也。

（二）清之經營與俄之侵畧

清初。游牧呼倫貝爾者。索倫。達呼爾外。尙有四子部落先世之諾延泰。科爾沁部之昆都倫岱青。茂明安部先世之多爾濟弟兄。烏喇特部之布爾海諸部。皆於天聰年間。先後率屬歸清。索倫與達呼爾。則

於崇德年間以地歸清。清太宗致明帝書云。

朕自太祖不祿。繼承大統以來。疆界日廣。計由東北海達於西北海。所有食狗食鹿之民族。捕貂捕魚之獵戶。鄂嫩河沿岸之野人。以及元代領土。均已先後歸順。

此爲有清撫有呼倫貝爾之實供。顧同時俄人已啓覬覦呼倫貝爾之野心。即在崇德年間。竟乘虛襲據尼布楚。築城以爲巢窟。於是東侵雅克薩。南侵額爾古訥河。擾害索倫諸部垂四十年。至康熙二十四五年間。(註十九)用兵雅克薩兩次。終與俄締結尼布楚條約。(註二十)以額爾古訥河爲界。

清政府至是。頗注意呼倫貝爾方面之國防問題。以爲經營呼倫貝爾

實刻不容緩。否則。難免受俄國人之侵畧矣。雍正十年。(註二十二)遂於呼倫貝爾設副都統一員。總管五。副管八。並設佐領以下各官。同時由布特哈移來索倫。達呼爾。陳巴爾虎各旗兵丁。分界游牧。以資防守。額魯特兵丁亦於是年移駐。至雍正十二年。(註二十二)復移駐新巴爾虎旗。其兵丁人數如下。

索倫

一千六百三十六名

達呼爾

七百三十名

陳巴爾虎

二百七十五名

額魯特(註二十三)

三百五十九名

新巴爾虎

二千四百八十四名(註二十四)

先是。清政府於雍正五年。設中俄陸路國界鄂博。在呼倫貝爾境內者有六。(註二十五)同時復在沿俄邊之國界。設卡倫五十九處。屬於呼倫貝爾者十有二。(註二十六)各卡倫皆派蒙古官兵戍守。光緒十年。於額爾古訥河下游添設五卡倫。是時呼倫貝爾境內。共有十七卡倫。迨庚子之亂。卡倫盡毀於俄人之手。(註二十七)呼倫貝爾在哥薩克鐵蹄踐踏之下。計自庚子至丁未。即自一九〇〇年至一九〇七年。有八年之久。故宋小濂詩。(註二十八)有黃巾兆禍虜騎猖。八年俯首飽豺狼之句。

宋小濂詩中又云。毀垣入戶建飛輶。穴山跨江通修轍。即今亂定脫刀匕。電蛇笑看鸢輪駛。則言俄國在我東三省境內築中東鐵路。正橫

貫呼倫貝爾之中部也。

郭道甫云。自從庚子以後。呼倫貝爾就成了中俄兩國的戰場。好在巴爾虎是游牧的民族。還沒有受很大的損失。可是龍蛇般的中東鐵路。橫貫了呼倫貝爾的中部。海拉爾滿洲里都開爲萬國商埠地。接着扎蘭諾爾的煤礦。吉拉林的金廠。興安嶺的採木公司。呼倫湖的捕魚企業。都由俄國人方面經營起來了。(註二十九)

吾國之以海拉爾及滿洲里闢爲商埠。載入中日東三省條約附款。(註三十)原文云。中國政府允俟日俄兩國軍隊撤退後。從速將海拉爾滿洲里等地自行開埠通商。從此開放門戶。外人得以入堂與經營各種實業矣。

俄兵退出呼倫貝爾。在一九〇七年。即光緒三十三年。同年。呼倫貝爾副都統蘇那木策麟（字榮軒）。即在呼倫貝爾境內重設十一卡倫。宣統元年。清政府納東三省總督徐世昌議。裁撤副都統。改稱呼倫貝爾兵備道。設臚濱府。呼倫直隸廳。及吉拉林設治局。欲使呼倫貝爾趨於內地化。時呼倫道宋小濂增設卡倫至二十有一。並設總卡官兩員。邊防藉以稍固。

（三）第一次獨立與自治經過

一九一一年辛亥革命時。外蒙古乘機宣布獨立。呼倫貝爾蒙旗當即起而響應。向吾國提出要求數款。

- 一．中國官吏退出呼倫貝爾。將行政權交還蒙旗。

- 一· 中國軍隊即由呼倫貝爾撤回。
- 一· 中國不得再向呼倫貝爾移民。
- 一· 在呼倫貝爾境內之中國人民。如不服從蒙旗官府。即須逐出呼倫貝爾境外。

一· 所有關稅及當地一切因自然富源所得之稅捐。應移交呼倫貝爾蒙旗官府徵收。

同時呼倫貝爾官員共推額魯特總管勝福(字介軒)爲首領。積極佈置軍事工作。召集各旗騎兵。於翌年一月二日佔據海拉爾。宣布獨立。恢復滿清時代之副都統衙門。以爲呼倫貝爾臨時最高機關。至二月二十二日。續行佔據滿洲里。不逾月。吉拉林亦入其掌握。呼倫貝爾遂

與黑龍江省完全脫離關係。接受蒙古國哲布尊丹巴可汗之策封。遵奉共戴年號爲正統。

『東三省紀畧』紀當時呼倫貝爾獨立事云。前清宣統三年十一月二十七日。江撫電稱呼倫貝爾蒙旗遵照庫倫來文。宣告獨立。清外部當電令江撫派兵彈壓解散。二十九日。東督電稱呼倫貝爾獨立。係俄人接濟槍械。同時復據江撫電稱。據俄領照會呼倫貝爾一案。奉本國政府命令。中國政府如與蒙古戰爭。俄守中立。東清鐵路界內。不許華兵與蒙兵衝突。且不許火車運華兵等語。十二月六日。江撫復電告蒙旗傾心向外。俄人明爲干涉。並蒙兵圍攻臚濱府。火車不肯運華兵。十二月十八日。江撫再電稱俄兵改裝。助蒙旗合攻臚濱府。勒交槍馬。

同日又電告蒙旗攻臚濱。有俄西伯利亞十五號隊武官帶兵攻擊情事。民國元年二月二十四日。東督江撫文稱。俄兵助蒙兵攻臚濱。查有確據。並各國旅居該處人簽有字據。可以明證。三月七日。江撫咨送俄兵助攻地圖數十帙。十四日。東督江撫文稱。呼倫貝爾變亂。現派員偵查。蒙俄屢有私立合同。租售漁業金廠。又蒙俄佔據吉拉林金廠時。驅逐廠內華人。俄人並教授蒙兵操演。又察罕敖拉煤廠。呼倫湖漁業。均爲俄人佔用。觀此足徵呼倫貝爾之第一次獨立。有俄人作背景。並得俄人之援助。而其動機則與外蒙之獨立有關。

民國四年十一月六日。中俄簽訂呼倫貝爾條件八款。其原文如下。

(一)呼倫貝爾定爲一特別區域。直接歸中國中央政府節制。並受

黑龍江省長官監督。遇有必需之事。及便利文牘之往來。則

呼倫貝爾官府。可與該省長相商。

(一)呼倫貝爾副都統。由中國大總統以策令任命之。並享有省長之職權。呼倫貝爾總管五員及三等以上職官。始有任命爲副都統之資格。

(二)副都統設左右兩廳廳長。一由副都統揀員。一由內務部揀員。均須經中國中央政府任命。此項廳長之任用。應以呼倫貝爾四等以上職官爲限。

各廳之職掌。由副都統規定之。該廳長應受其節制。經副都統許可後。始有與中央政府及其他各省直接往來文牘之權。

(四)平時所有該地軍事。專就本地騎兵執行。但副都統應將軍事籌備情形及其緣由。呈報中央政府。

呼倫貝爾官吏。若認地方不靖。無力彈壓之時。中央即可派兵前往。惟先應通知俄國政府。迨地方綏靖後。卽行撤出呼倫貝爾境外。

(五)除海關及鹽政進款。專歸中央收存外。其呼倫貝爾他項各稅捐。儘數留作該地方之用。副都統應將收支情形。年終呈報中央政府。

(六)呼倫貝爾及中國內地農工商人等。自由往來僑居。均一律看待。不稍歧視。惟呼倫貝爾土地。旣認爲旗民所共有。則華

人僅得以定期租借名義。在各處取得田地。並須稟由地方官查明此項農業無妨碍旗民牧放牲畜之處。始可辦理。

(七) 將來如擬在呼倫貝爾修築鐵路須借外款時。中國政府應先與俄國政府商辦。

東省鐵路公司及林礦等項實業之俄國承辦人。如欲在呼倫貝爾境內修築專用鐵路。以爲運輸材料及出產之用。非經中國中央政府允准。不能修築。但非有特別窒碍情形。應即批准。

按照下列第八款所載。俄國人民應修之專用鐵路。已包括於中國中央政府業經允准之合同內者。當然不適用上項所規定

之辦法。

(八)俄商與呼倫貝爾前訂各契約。已由中俄派員雙方審查。並經中央允准。

條件中最重要之點。即呼倫貝爾承認中國之宗主種。中國政府承認呼倫貝爾之自治權。未幾。蒙旗內部復發生復辟運動。民國五年。巴布扎布自稱爲總管恢復清室全道士兵大臣。惟旋即死於戰陣。由色卜精額與木巴扎布二酋代統其衆。至民國六年五月。(註三十二)竟一舉而佔領海拉爾。以車和扎爲提督。邦恭扎布爲幫辦。廢去副都統名稱。時副都統勝福已先期走避卜奎。旣而遣其心腹貴福潛返呼倫貝爾。舉兵討伐色本二酋。是年秋。色本兩酋敗績。所部潰不成軍。勝福乃返

海拉爾。又恢復往日之局面。此誠不可謂非呼倫貝爾自治時代之一幕趣劇也。

(四)收復呼倫貝爾始末

十月革命後。俄國不遑東顧。呼倫貝爾之外緩遂絕。適其副都統勝福病歿。東三省當軸亦正進行收復呼倫貝爾之運動。於是呼倫貝爾蒙旗代表左廳廳長成德。右廳廳長巴嘎巴迪。署理索倫左翼總管榮安。署理索倫右翼總管凌陞等聯名。於民國九年一月六日。致書東三省巡閱使張作霖及黑龍江督軍孫烈臣。請願轉電中央。取消特別區域。文云。

查呼倫貝爾地方。向屬中國完全領土。隸黑龍江省管轄。自迫於

庫倫大勢。不得已而獨立。嗣復改爲特別區域。惟至今以來。政治迄未能發達。經全旗總管協領左右兩廳廳長幫辦等。代表本屬蒙旗全體。誠意會議多次。僉稱取消特別區域。用圖治安。實萬世永賴之利。據情呈請暫護副都統貴福。一致贊同。推派代表等來省。用特肅具電稿。懇請轉電中央。俯察愚忱。准予取消特別區域。所有呼倫貝爾一切政治。聽候中央政府核定治理。再中華民國四年。中俄會訂呼倫貝爾條件。原爲特別區域而設。今既自願取消特別區域權分。則民國四年會訂條件。當然無效。應請中央政府主持作廢。不勝迫切待命之至。除正式請願書另行呈遞外。謹請代轉施行。

因此於同年一月二十八日。由政府命令取消中俄會訂之呼倫貝爾條件。二月。任命鍾毓督辦呼倫貝爾善後事宜。官職等于道尹。第副都統官階仍舊。同時由黑龍江省政府下令。前設之呼倫廳改爲呼倫縣。臚濱府改爲臚濱縣。吉拉林設治局改爲室韋縣。三月。任張奎武爲呼倫貝爾鎮守使。丁超爲滿海警備總司令。耶官普爲呼倫警察廳長。八月。設奇乾設治局。十年二月。任程廷恒督辦呼倫貝爾善後事宜。十一月。任張明九爲呼倫貝爾鎮守使。十一年四月。奇乾改縣。十四年一月。以呼倫貝爾全境劃爲呼倫道。屬黑龍江省。廢善後督辦。置海滿道尹一員。下轄呼倫。臚濱。室韋。奇乾四縣。呼倫貝爾鎮守使仍舊。此時副都統衙門職掌之範圍。以蒙旗事務爲限。所有蒙旗人與蒙旗

人之訴訟事件。歸副都統衙門管理。（註三十二）訴訟以外一切政治。則歸吾國地方官辦理。吾國在呼倫貝爾之地方官。有道尹。有縣知事。呼倫貝爾地方之行政組織。殆已完全同於內地矣。

（五）呼倫貝爾青年黨之出現

呼倫貝爾青年黨之前身。爲呼倫貝爾學生會。先是。滿清經營呼倫貝爾。振興教育。除在當地設立學校外。復選送學生赴黑龍江省立師範及中學讀書。此輩學生日後更有負笈遠至北京求學者。民國六年冬。呼倫貝爾之復辟運動初平。一班留外學生陸續返里。欲策劃地方政治之改良。遂聯合組織「呼倫貝爾學生會」。討論青年學行方法及地方政治問題。逾年冬。公派代表參加在上烏金斯克城舉行之布里雅特蒙

古民族大會。當時呼倫貝爾學生會之政治意識。已異常濃厚。願以羽毛未豐。不能即時採用革命手段。僅決定以發展教育實業爲促進政治改革之方法。數年而後。至民國十年。外蒙之蘇維埃化。其影響已波及呼倫貝爾。而呼倫貝爾學生會。爲其影響所感動。與外蒙平民革命黨發生政治關係。完全接受其主張與方法。遂易名爲呼倫貝爾青年黨。時約在民國十二年至十三年間。其首領爲郭道甫與富明泰兩人。

民國十四年。呼倫貝爾青年黨與內蒙革命份子團結一致。合組內蒙國民黨。不久內蒙國民黨因主張不一致而分裂。呼倫貝爾青年黨又還其本身獨立之面目。民國十五年。設中央黨部於庫倫。接受外蒙政府之精神的指導及其物質的援助。自庫倫發號施令。而來呼倫貝爾進行

革命工作。處心積慮。夙夜匪懈。識者固早知其必欲一擊而後快也。

(六)第二次獨立運動之失敗

果不其然。於民國十七年夏。呼倫貝爾青年黨揭竿而起矣。於時東北政局似有杌隉不安之象。青年黨乘機在呼倫貝爾南境與外蒙交界之綽哥託松布爾地方。秘密召集該黨代表大會。議決實行武裝革命。恢復呼倫貝爾之完全自治。實行對中國宣布獨立。並決定向海拉爾。興安嶺及滿洲里三路進攻。七月九日。青年黨幹部九人。潛赴正藍旗保衛團駐紮之杭達蓋地方起事。以富明泰(註三十三)任軍事委員會委員長。組織呼倫貝爾平民軍。以武力從事革命。將正藍旗保衛團編為呼倫貝爾平民軍騎兵第一路第一團。當即佔據阿爾山溫泉。遂以杭達蓋

爲大本營。實行三路進攻之計劃。七月十五之夜。襲擊中東鐵路。十六日拂曉。武裝之青年黨突如出現於海拉爾東之烏固諾爾車站附近。破壞鐵路線。襲擊中東路列車。形勢岌岌。不可終日。繼之有十七日烏固諾爾站之衝突。十八日察子站之衝突。但未能達到佔領海拉爾。興安嶺及滿洲里之目的。故軍事方面已處於失敗地位。於是青年黨放棄爭城奪路之計劃。改以收撫正白旗爲方針。佔據將軍廟爲大本營。是時新巴爾虎右翼。亦已編成平民軍。聲勢浩大。嗣經東三省當軸一面派兵鎮壓。一面實行懷柔。青年黨以武力不敵。知前途不能有爲。加以內部意見龐雜。郭道甫派以爲宜遷就東三省當軸懷柔之好意。趁此時機。偃旗息鼓。富明泰一派則多主革命無間說。以爲獨立主張

宜堅持到底。寧失敗而不願屈服。雙方各趨極端。致有甘珠廟之衝突。附和富明泰者雖衆。無如大勢上與郭道甫一派有利。副都統衙門亦反對青年黨之獨立運動。結果富明泰一派退回庫倫。養精蓄銳。作再接再厲之圖。郭道甫則投誠東三省當軸。於十七年九月二十四日。通電表明心跡。取消其獨立主張。蓋當時事實上青年黨已處於進退維谷之境。武裝革命實不可能。隨即解散平民軍。恢復七月九日青年黨起事前之和平狀態。呼倫貝爾第二次獨立運動之一幕。於焉告終。雖然。其隱患猶未已也。反對郭道甫之富明泰一派。直接依附外蒙古。間接受第三國際之指導與援助。呼倫貝爾青年黨並未取消。仍在進行呼倫貝爾之獨立運動。故其捲土重來。直吾人意想中之事耳。

(七) 蘇維埃政府之曇花一現

呼倫貝爾爆發第二次獨立運動之翌年。中俄因中東路問題引起糾紛。莫斯科蘇維埃政府竟下令動員。以赤軍犯境。呼倫貝爾遂首當其衝。民國十八年十一月二十五日。因滿洲里扎蘭諾爾既爲赤軍所攻陷。我軍知海拉爾不可守。遂自動退出。此爲呼倫貝爾政治中心之地。日後呼倫貝爾青年黨。得赤軍槍械子彈之援助。居然在海拉爾組織蘇維埃政府。設委員七人。以富明泰任主席。分政務。外交。軍事。財政四部。然而僅曇花一現。中俄糾紛解決之後。呼倫貝爾之蘇維埃政府。亦即隨之烟消雲散矣。

當時瀋陽東北文化社會公布此項消息。茲錄其前後所公布者如下。

十一月二十八日公布——俄派黨徒入內蒙。煽惑蒙古青年黨。使其在內地實行暴動。

十二月一日公布——海拉爾未退出之商民。自行組織保衛團。維持地面。

十二月三日公布——蘇聯煽動內蒙青年。組織騎兵，現已就緒。聞擬向東進發。似將襲取海拉爾。

十二月六日公布——內蒙青年黨爲赤軍煽惑。刻在羊場地方集衆兩千。準備擾亂。槍械均由俄方供給。赤軍似將協助內蒙青年黨進擾海拉爾。

十二月十二日公布——俄軍三百餘十一晨開到海拉爾郊外。內蒙

青年黨亦已逼近海拉爾市街。該方面形勢危急。

十二月十四日公布——現駐海拉爾之內蒙保衛團。由一二野心王公統率。有自由行動之模樣。一方親俄之青年黨。頃已得俄方援助槍械。子彈亦甚充足。擬以武力襲據海拉爾爲根據地。自十日始。青年黨已向海拉爾推進。

十二月十六日公布——赤軍騎兵八百餘名。十四晚開進海拉爾。壓迫蒙古保衛團向後撤退。蒙古青年黨十五晨四時開進海拉爾。人數有二千餘衆。與俄赤軍完全合作。

十二月十七日公布——保衛團有一部份爲赤軍繳械。其大部退向正黃旗。

十二月十八日公布——海拉爾現在蒙古青年黨手中。

十二月十八日公布——莫斯科政府否認蘇聯與蒙古青年黨獨立運動有關。並稱赤軍始終未進海拉爾。該地並無赤軍蹤跡云云。此種反宣傳顯係有意迴避責任。徒足表示情虛。蒙古青年黨之槍械子彈。均由赤軍接濟。事實具在。豈容掩飾。

十二月二十一日公布——海拉爾蒙軍內部。因部落不一。時起衝突。蒙古青年黨指揮官。多爲赤軍將校。其軍隊持紅旗。鎗上飾紅纓。或懸紅布於胸前。人數約三千。

十二月二十三日公布——莫斯科及遠東俄當軸。對援助蒙古青年黨獨立事。意見分歧。似主張扶助蒙古者佔據優勢。

十二月二十六日公布——海拉爾內蒙青年黨。已成立共產政府。

委員七人。首領爲阿明泰（註三十四）及成德並俄人兩名。

十二月二十八日公布——中東路西綫赤軍。已逐漸向後撤退。由

內蒙青年軍接防。海拉爾仍在蘇維埃制之蒙古政府管理之下。

民國十九年一月十三日公布——在赤俄羽翼下之海拉爾蒙古青年

黨政府。已自動取消。

一月十七日公布——海拉爾秩序現已恢復。市面由都統貴福所部

保衛團維持。

呼倫貝爾之蘇維埃政府。曇花一現。其受赤軍之羽翼而成。已信而有徵。蓋蘇俄之意。在助青年黨奪取呼倫貝爾政權。造成一呼倫貝爾

蘇維埃共和國。與外蒙打成一片。以完成其赤化弱小民族之陰謀。故匪特供給槍械子彈。且派遣軍官策士前往指導。吾不知呼倫貝爾青年黨。何以甘爲蘇俄或第三國際之傀儡。爲其玩於鼓掌之上。而不自憬悟耶。

(八)中俄糾紛期內之赤色恐怖

在中俄糾紛期內。呼倫貝爾沿邊之白俄農村。多被赤軍騷擾不堪。如三河口白俄農村事件。男女婦孺。被赤軍慘殺者達千人之衆。於時上海英文密勒氏評論報紀其事云。三河一地。係以中俄國境瓊瑋河附近之三河合流點作中心。介於海拉爾及牙克石兩站西北方之中國領土。歐戰後。俄民因不堪受赤黨壓迫。乃於此構成殖民區域。而該項移

民。夏則從事農牧。冬則採薪出售於中東路一帶。其人口最近約有一萬五千人。稱爲中國領土內白系俄人之極樂天地。詎意一九三九年十月一日。突有携帶機關槍之蘇俄步騎兵一隊。包圍三河各村。分聚男子十數處。斃之以機關槍。婦女則擄往俄國境內。此役不論婦女老幼。被槍斃刺殺者。約千人之譜。

三河之慘訊傳出後。在北滿之白俄僑民。頓覺狐死兔悲。當即發表一宣言。披露三河口一帶赤色恐怖之事實。以求世界正義之裁判。譯其文於後。

逃避蘇聯壓迫之俄國國民。向散居於三河口一帶距蘇聯疆域極近之中國領土內。受中國方面之保護。其中大多數爲農人。毫無革命思想

。僅希望自由工作爲家族謀幸福而已。乃最近此種和平邊地。竟有武裝赤軍。携帶機關槍等闖入蹂躪。在特諾哈及那深布拉克二村。對於和平居民。不分男女老幼。大肆屠殺。其殘忍兇暴之手段。爲歷史上向來所未有。殺人之夫。戮人之父。竟使其妻若子目覩行刑。雖八旬老翁及八齡幼童。亦皆不能赦免。鞋底槍托。踏擊頭腦。刺刀刺割胸腹。並對於傷而未死之人。先嘲笑辱罵。而後致之於死。婦女則分給官兵。然後擊斃之。或傷踏其肢體。刀割其胸乳。足踏其面部。五官俱平。受傷之幼童。亦用槍托擊斃之。曾發見兩幼童雙手被摑。頭蓋骨已被擊破。有一童四肢殘廢。又神父郭爾希諾夫。被嚴刑之拷訊後。以髮繫於馬尾曳之。眞極人間殘忍慘虐之至矣。

(九)最近呼倫貝爾之政治組織

最近呼倫貝爾之政治組織。可分兩方面說明之。一爲吾國行政系統下之縣政府。一爲蒙旗之副都統衙門。縣政府以前屬海滿道尹管轄。現因已廢道尹制。改屬於黑龍江省政府民政廳。縣設縣長。主持一縣之行政事務。最近呼倫貝爾四縣之縣長姓名。錄之於後。(註三十五)

呼倫縣政府 縣長 孫毓响 俊卿

臚濱縣政府 縣長 齊肇豫 叔謙

室韋縣政府 縣長 郎官普 菊宸

奇乾縣政府 縣長 潘殿保 雲書

呼倫貝爾蒙旗在別一方面有呼倫貝爾副都統公署之設。俗稱副都統

衙門。其下置左右兩廳。各設廳長一人。並有一文案處。設處長一人。而副都統之下爲總管。總管之下爲協領。協領之下爲佐領。副都統公署及其所屬之官員如下表。(註三十六)

副 都 統 貴福申五

左 廳 廳 長 成德潤齋

右 廳 廳 長 巴噶巴爾迪 撻三

索倫左翼總管 榮安錦堂

索倫右翼總管 安全

陳巴爾虎總管 普恩楚克

額魯特總管 凌陞雲志

呼倫貝爾概要 第二章 呼倫貝爾政治史

新巴爾虎左翼總管 額爾奇木克圖

新巴爾虎右翼總管 奇普僧額

鄂倫春協領 于多三

今副都統貴福。索倫正黃旗達呼爾人。爲前副都統勝福之姪。民國八年十二月。勝福病故。貴福遂代其位。以至於今。

副都統公署內之左廳。原稱左司。掌財政及軍需事項。右廳原稱右司。掌兵事及審判事項。

(十)最近呼倫貝爾之蒙旗

呼倫貝爾蒙旗之組織。以副都統公署爲最高機關。郭道甫稱之曰地方政府。而其組織單位。普通名之曰旗。呼倫貝爾全境現共分十八旗

。述之如下。

(一) 索倫部

- 一· 正紅旗
- 二· 正黃旗
- 三· 正白旗
- 四· 廂紅旗
- 五· 廂黃旗
- 六· 廂藍旗

(二) 陳巴爾虎部

- 一· 正藍旗

二・廂白旗

(三)額魯特部

一・廂黃旗

(四)新巴爾虎部

一・正紅旗

二・正黃旗

三・正藍旗

四・正白旗

五・廂紅旗

六・廂黃旗

七·廂藍旗

八·廂白旗

(五)鄂倫春部

一·廂藍旗

索倫部與新巴爾虎部。皆分左右兩翼。翼各設總管。陳巴爾虎部與額魯特部。無左右翼。各部設總管一人。至鄂倫春部。則既不分左右翼。又不設總管。僅設協領轄之。

每旗之兵。名曰披甲。披甲中有領催。有前鋒。現錄十八旗之領催。前鋒。及披甲人數於后。

索倫左翼

領催 二八人

前鋒 二人

披甲 八四人

索倫右翼

領催 四八人

前鋒 四人

披甲 一四四人

新巴爾虎左翼

領催 四八人

前鋒 四人

披甲 一四四人

新巴爾虎右翼

領催 四八人

前鋒 四人

披甲 一四四人

陳巴爾虎

領催 四八人

前鋒 四人

披甲 一四四人

額魯特

呼倫貝爾概要 第二章 呼倫貝爾政治史

領催 八人

前鋒 二人

披甲 二四人

鄂倫春

領催 八人

前鋒 無

披甲 二四人

合計

領催 一三六人

前鋒 二〇人

披甲 七〇八人

總數 九六四人

此外副都統公署有衛兵二百名。募旗民充之。故呼倫貝爾蒙旗此時共有兵一千一百六十四名。

呼倫貝爾概要 第二章 呼倫貝爾政治史

註一——漢時匈奴擾邊。遣衛青出塞迎擊者。非漢和帝而實爲漢武帝。時在光武六年。卽西曆紀元前一二九年。『呼倫貝爾』第二章方輿史略作漢和帝。實誤。和帝下註西曆一四〇至一八六年。更不知何所據而云然。按和帝在位僅十有七年。卽自西元八九年至一〇五年。亦嘗於永元三年（西元九一年）北征匈奴。大破其師。然與衛青出塞爲兩事。想『呼倫貝爾』著者爲俄國人。故對吾國史事似不甚了了也。

註二——烏洛侯。艾儒略地圖謂卽俄羅斯。

註三——在車臣汗界東。

註四——見龔之鎬『後出塞錄』。

註五——見『呼倫貝爾問題』。載東三省民報

註六——一作兀兒失温。

註七——卽額爾古訥河。

註八——卽根河。

註九——古兒合一作局兒罕。普通譯作可汗。

註十——見『呼倫貝爾問題』。

註十一——即今中東鐵路成吉思汗車站。

註十二——卽呼倫貝爾兩湖。

註十三——捌只哈兒。元秘史作合撒兒。郭道甫作哈薩爾。郭云

。『哈薩兒爲成吉思汗的親弟。他的善射。在蒙古巴圖魯中

稱爲第一。他對於開創蒙古帝國的事業。有很大的功勞。成吉思汗封他的領土。就是現在的呼倫貝爾』。

註十四——元秘史作帖木格。

註十五——貝爾湖明史作捕魚兒海。想係音轉之誤。

註十六——卽西元一三八七年。

註十七——卽西元一四〇九年。

註十八——『呼倫貝爾邊務調查報告』。

註十九——卽一六八五至一六八六年。

註二十——時在一六八九年。

註二十一——雍正十年卽西元一七三二年。

註二十二——即一七三四年。

註二十三——『呼倫貝爾』作鄂倫春。恐係額魯特之誤。

註二十四——『呼倫貝爾』作二千九百八十四名。

註二十五——詳見附錄二『呼倫貝爾境內中俄陸路國界鄂博表』。

註二十六——詳見附錄三『呼倫貝爾沿邊國界卡倫沿革表』。

註二十七——參閱附錄三『呼倫貝爾沿邊國界卡倫沿革表』說明。

註二十八——見附錄四宋小濂『呼倫貝爾紀事』。

註二十九——『呼倫貝爾問題』。

註三十——訂於光緒三十一年十一月二十六日。

註三十一——作民國六年六月。

註三十二——見民國九年九月十六日內務部咨黑龍江省長文，

註三十三——富明泰，一作福明泰，又作敖明泰，蓋音相同也，

註三十四——阿明泰即敖明泰，亦即富明泰，

註三十五——錄自『黑龍江全省文官職員錄』，黑龍江省政府編輯，
，民國十八年八月出版。

註三十六——同右，

呼倫貝爾概要
第二章
呼倫貝爾政治史

第三章 呼倫貝爾之經濟的價值

呼倫貝爾地廣人稀。平均每二方里不過一人。其居民之生活。悉依地理及氣候之關係而定。東北與西南兩部之天然氣象。既互有不同。其生產事業。自亦各異。東北部多山。居民之惟一職業。乃爲林業。西南部水草豐美。故多事畜牧。惟兩地有一共同之職業。厥爲皮毛業。西部則因多河流及湖沼之故。漁業隨之發生。且近十年來。在牙克石站以西鐵路線往北之地域內。農業漸形發達。各地蘊藏之礦產亦相繼發現。茲卽就呼倫貝爾之牧畜漁獵森林農礦工商各業。分別說明如下。

(一) 畜牧

呼倫貝爾有含鹽之地質。與便利之水源。爲東三省全境最宜畜牧之地。沿興安嶺山麓以至森林地帶之間。牲畜成羣。所居者皆游牧民族。而牲畜實爲呼倫貝爾唯一之財富。完糧納稅貿易。皆以牲畜。其種類有牛有馬有羊有豬有駱駝。駱駝負重行遠。頗便利貨物之運輸。牛羊豬不但可供自身日常之食用。且出售可獲大利。牛乳與羊毛。購者需求尤殷。馬匹亦頗值錢。據民國十四年十二月呼倫貝爾副都統公署之統計。全境有馬十七萬匹。牛十四萬頭。羊一百五十萬隻。駱駝七千頭。平均每一游牧民有羊四十八隻或四十九隻。牛五頭或四頭。馬五匹或六匹。此外全境尙養豬二千四百頭。鹿一千頭。日後逐漸繁殖。最近當然不止此數。試觀左表。

	土著居民						駱	駝	馬	牛	羊
(一)	鐵路線以內	一四九五	四五七〇	八九六〇	四二二〇〇						
(二)	鐵路線以外		六三三六	二二七二八	五五七九五						
	游牧民族	七〇〇〇	一七〇〇〇〇	一四〇〇〇〇	一五〇〇〇〇〇						
	全境總數	八四九五	一八〇八九六	一七〇六八八	一五九七九九五						

此外牧畜業附屬產品。若獸骨。薩拉油。牲畜遺物。羊毛等。亦爲出產品之大宗。據近年調查。總計此項牧畜業之牲畜及其原料品。每年以剩餘數量輸出博金錢者。約共值銀洋三百萬元之譜。試觀左表。

牧畜業之牲畜及其原料品之代價

呼倫貝爾概要 第三章 呼倫貝爾之經濟的價值

一〇〇

馬匹 墨洋四十一萬二千五百元

牛隻 墨洋五十萬元

綿羊 墨洋三十五萬元

肉 墨洋三十五萬五千元

羊毛(未洗者) 墨洋一百二十萬元

各種皮張 墨洋二十三萬八千三百元

馬毛 墨洋三萬六千八百元

薩拉油 墨洋一千元

其他產品 墨洋一萬元

總數 墨洋三百十萬三千六百元

牧畜剩餘產品輸出表

自民國十二年至十六年每年平均輸出數

馬	三千匹
牛	一萬頭
綿羊	五萬一千四百隻
羊毛	一千二百二十九噸
各宗皮張	三千二百五十噸
馬毛	三十噸
骨	一百四十四噸
薩拉油	三噸

牲畜遺物 三十六噸

肉 七百六十五噸

至輸出牧畜業產品之剩餘數量及其代價。將來有無增加。殊難斷言。蓋遊牧蒙人終年在原野牧養。其健全與否。全恃氣候之狀況。及草類之豐歉。於改良方法毫無進步。一遇牲畜患傳染病症。輒束手以待其斃。近年稍知進步。遇有牲畜患瘟疫。常向東省鐵路獸醫處請求救濟。將來欲求其改善與增加。惟在先籌廣大之計劃。善爲指導。使逐漸進化而已。

(二) 林業

森林爲呼倫貝爾富源之一。大興安嶺西麓。自黑龍江至南部交界止

。袤延約一千公里。其間森林密茂。面積約佔呼倫貝爾總面積五分之一。主要樹種首推達呼爾落葉松。約佔所有樹木百分之八十。次爲白黑樺松。再次爲白楊木。此外北部貝斯特拉牙河流域產針葉松。興安嶺附近產少數杉木銀松。其中成材落葉松之年齡。有達百年至二百年者。其高度由十三公尺至三十公尺。各種樹木中。以落葉松用途爲最廣。不僅爲鐵路必需之品。且爲建築上最佳之材料。尤以建造橋梁房屋船隻爲最適宜。因所含樹脂較優於他樹。能抗朽腐故也。其他若榆樹。可製造傢具。樺木可造鞞靶及車輛。全境內共有林場四處。

(一)馬爾差夫斯基公司林場。在貝斯特拉牙河流域。居興安嶺分脈之中。大宗爲落葉松。所產針葉松及銀松。亦較其他林場爲多。恒由

貝斯特拉牙河。額爾古訥河。及黑龍江編成木筏。順流輸出。現該林場除有少數砍伐工作外。幾無營業可言。

(二)烏爾克其罕河林場。在牙克什站東北。擁有海拉爾河流域。其林木之豐富及一切設備。在大興安嶺西境。當首屈一指。該林場放筏河流。寬闊淵深。由牙克什站至林場賬房。有完整之鐵路。沿途並設有電話。又設專放木筏之港灣。由牙克什站至港灣。有鐵路岔道銜接。

(三)牙多爾斯喀牙林場。在海拉爾站東南。其所產樹種。與烏爾克其罕河林場相同。附近河流甚多。可供放筏之便。惟放筏之終點。即海拉爾站附近之港灣。但該港灣卸載之設備。則稍遜於牙克什站。

(四)札免公司林場。介於烏爾克其罕河及牙多爾斯喀牙兩大林場之

間。居大興安嶺中心點。由鐵路線前往林場腹地。已修有鐵路岔道兩條。惟沿鐵路兩旁。頻年濫伐產物。已遜於他處。故降至今日。所有大林。均遠在鐵路沿線四十公里以外。

今就呼倫貝爾之林產及其成林之面積言。因無精密之調查。僅就其大概述之。所敢斷言者。大興安嶺產林之富。爲世界所公認。於北滿全部之經濟。有絕大之關係是也。呼倫貝爾將來移植政策。臻於發達。固足以促成建築之自增。及落葉松料需要上之連帶暴長。然產林面積。如能日漸開發。經營日漸進步。亦屬振興移植之一道也。

(二) 狩獵

在呼倫貝爾多數富源之中。獸皮亦佔有重要之地位。自黑龍江起。

至呼倫貝爾南部邊界止。廣袤千有餘里之地域。俱爲野獸托足之所。若猿。若狼。若驢。若猯。若狐。若灰鼠。若鹿。若水獺。臭貓。黃鼠。靡不具備。其中價值較昂者。猯。灰鼠。旱獺。水獺等。遞年以來。各種獸類。出產既減。東西洋之需用者。反益增廣。其價乃日益高貴。水獺一物。據近年調查。市場上數量殊不甚多。每年僅有五百張之譜。前此三四十元一張者。今則增至八十元至一百元。茲就呼倫貝爾市場上皮張之數目。列表如左。

野獸名稱 千張數

狼 八・〇

後貝加爾之狐狸 三・〇

蒙古種之狐狸

一〇・〇

小狐狸

一五・〇

獾

二・〇

巨獾

〇・一

水獺

〇・五

臭貓

一五・〇

黃鼠

一〇・〇

元鼠

一〇・〇

獾狽

〇・五

旱獺

七〇・〇

呼倫貝爾概要 第三章 呼倫貝爾之經濟的價值

灰鼠 三〇〇・〇

帶稿鼠 二〇・〇

涉布拿 一〇・〇

據上表所列。計呼倫貝爾境內每年所出之皮張。約可值大洋四百五十萬元。最大銷場。首推美國。次英國。如海拉爾。滿洲里。均有外國皮張公司分行。專事收買。再除獵野獸外。尚有獵及樹鷄。鷓鴣。松鷄。山鷓。野鷄。天鵝。野鴨等類禽鳥。其利益亦殊不薄也。

(四) 漁業

呼倫貝爾高原之河流。產魚之富。在昔已著。此種河流。又特爲當地居民所珍視。即我國各省與蒙古並沿額爾古訥河一帶之俄人。亦莫

不異常慕羨。當時蒙古人嘗曰。魚類孵化。有聲震撼。湖岸飲馬者。若不加驅策。則馬畏不進矣。於此可想見其產額之富。但呼倫貝爾取締私捕。屢頒禁令。本於宗教上之迷信。實際並未能發生若何效果。關內移民。往往擇產魚湖泊。沿岸而居。俄屬哥薩克人。昔亦私往捕取。其初捕魚處所。僅貝爾湖。其後在烏爾順河。哈勒哈河。克魯倫河。穆特那溪。大賚湖。亦相繼發見漁戶。於是捕魚之戶與捕魚之地點。遂與年俱增矣。

呼倫貝爾漁業之主要產品。有鯉魚。白鯽魚。鮭魚。望天魚。鱒魚。竹截魚。堵馬魚。海馬魚。白揚魚。小扁魚。小鯽魚。假龍胆魚。鮎魚。及蝦蟹等。其中以鯉魚鯽魚爲最著。不僅味佳。直與俄國之鯉

鯽媲美。並無絲毫腥氣。漁戶捕魚時期。分夏冬兩季。夏季所捕之魚。在未上市前。先蓄於池內。至上凍時。將凍魚運赴滿洲里站。再行分別轉輸他地。惟夏季所捕之魚。蓄於池內。爲日既久。死亡甚多。經濟上殊覺損失。有著名漁業家博里索夫。主張將捕獲之魚。即在捕獲地裝成罐頭。運往他處。旣無朽腐之虞。又省蓄養之費。現已從事試驗。茲將民國十五年夏冬兩季上市魚品之漁獲總額列表如左。

捕魚所在地	烏爾順河	穆特那溪	克魯倫河	大賚湖	共計
十五年夏季噸數	四九一	一一四	二四五	一三二	九八二
十五年冬季噸數	—	—	—	三三四	三三四

各種魚類中。當以鯉魚之漁獲數量爲最多。頗佔重要之位置。計由

漁獲總額百分之三十。增至百分之六十。此蓋由貝爾湖多年不准捕取。自有相當之繁殖故也。至望天魚之漁獲。日見減少。則純由漁戶改用大孔網之故。在民七以前。呼倫貝爾漁類主要銷場。應推俄之彼得格勒及莫斯科。今則僅行銷於東鐵各站及輸往國內而已。

漁業在呼倫貝爾區域內。佔經濟上重要地位。尤以西部札蘭諾爾至滿洲里一帶爲最。該處多數人民。終年以漁爲業。冬季凍魚。多由東鐵各站運哈埠銷售。查民國十六年。該處經營漁業者。竟達二千人之多焉。

(五) 農業

呼倫貝爾地廣人稀。往年農業。極不發達。雖區域內農業原始甚早

。(唐時有人至貝爾湖。卽見該處人民。從事農作)。至今仍不免爲消費區域。俄人之僑居者。按照條約。從事開墾租種。爲期十二年。並許有權在承租地畝內從事建築。租價之規定。如額爾古訥河一帶。每俄畝每年盧布二元。海拉爾河一帶。每俄畝每年盧布二元五角。沿車站一帶。每俄畝每年盧布三元。民七民九之間。俄亂劇烈。俄僑紛紛東來。聚墾於額爾古訥河。牙克什與免渡河站一帶。自此以降。華人亦接踵繼其後。不數年間。耕種面積。日益擴充。俄僑租用地畝辦法。係先向中國官廳請發執照。然後從事耕種。民國十五年。經我方官廳議決。承租之俄僑。須歸化中國。或加入三河地方承租之中國公司充當僱傭。凡經許可者。方能從事農業。但沿額爾古訥河之俄僑。迄

今既未限令歸化中國。亦未認其爲僱傭。惟每年僅出納若干租金而已。至沿站一帶耕戶。與官廳向無書面條件之訂定。僅由官廳命令村長准許耕種。收成後每畝納租若干。三河地方及額爾古訥河一帶農作。均係人力爲之。車站一帶。間有用機器農具。四月底始種小麥。六月方種蕎麥等。其各地農業種類。亦微有不同。沿車站一帶。以小麥佔重要位置。其他各地。則有稷麥。玲瑤麥。大麥。蕎麥。麻等。茲將各地平均產量數目。分類列表如左(以噸爲單位)。

糧	別	車站沿線		額爾古訥河一帶	烏洛夫河口	共計
		三河地方	額爾古訥河一帶			
小	麥	九四九	九六四	三九五〇	一五七	五九七〇
稷	麥	一〇二	二四三	一三二七	五九	一七二〇

玲	瑞	麥	六八	一一五	一〇二六	二六	一二三五
大		麥	二五	六七	七九〇	一〇	八九二
荷		麥	—	一二二	六四七	九	七七七
共		計	一二四二	一四六〇	七七三〇	六二一	一〇,五九四

呼倫貝爾各區。農事均不甚發達。其重大原因。可列爲三。

(一) 由移民之來此者。不甚湧躍。不如從事於狩獵漁業者有利可圖。遂棄農業於不顧。

(二) 農具機器之需要。有供不應求之勢。民國十五年時。呼境雖出最高代價。亦不能購得之。因無巨大之農具商。小商號又復不能供給如許之數量。近年東鐵地畝處有農具借貸處之組織。沿車線一帶。均

設有農具借貸分處。但各處請求借用添購者。仍有不足之虞。此蓋耕種面積與年俱增故也。

(三)官廳對於田賦之分配。向以收成爲根據。收成愈高。徵收愈多。是以農人多持觀望態度。未敢再增加耕地。

基上三因。故食糧一項。除供給本地居民消費外。且有自他處運輸來者。惟近年北部各地農業。較前發達。向以牧畜爲業者。今亦大都從事農作。將來種植面積之增加。可無疑義也。

(六)礦業

呼倫貝爾之礦產。雖全區內所在多有。然開採者。因資本及機械關係。至今仍未見發達。茲就已開採者。分列如左。

(一)金礦 金沙之探採。在海拉爾北部吉拉林及烏洛夫河口地方。在吉拉林開採者。其初爲上阿穆公司。迭因變故。忽作忽輟。近由黑龍江廣信公司開採。係就舊有淘孔採取。工人將淘出金沙。賣與礦區賬房。每一零泥克。合洋三元。計算方法。多不給現金。以高價之貨物易之。故吉拉林金礦產者。多於其賬房內附設商號。勒令工人購備一切日用必需品。故金礦業者對於採金。尙不重要。而對於行銷貨物。反甚注意。故金礦賬房所得沙金。大都純以貨物向工人易得者。現時採金主要地域。在吉拉林河一帶。其所採沙金。近年來全年所得不過一百三十公斤。金質不良。粗礦尤多。毫無統計。因多半流入盜賣者之手。無從稽考。烏洛夫河口烏馬地方。亦有廣信公司開採。成績

如何。不甚明瞭。而盜探則所在多有。

呼倫貝爾金礦除上述兩處外。尙有三河。札格達河。威月河。貝內伊河。庫拉克世河。伊里吉甘河等處。惜遍地黃金。無人顧問。世界大資本家垂涎三尺。我主人翁放棄而不之理。惜哉。

(二)煤礦 呼倫貝爾全區蓄煤甚富。現已開採者。僅札蘭諾爾及滿洲里兩處而已。札蘭諾爾煤礦。發見於光緒二十七年。據馬爾克舍伊礦務局調查所得。該處積存之煤。深在一百公尺。有煤九千五百萬噸。若深至二百公尺。可有煤二萬二千萬噸。其需煤最多者。爲中東鐵路。滿洲里煤礦。在臚濱縣差岡烏拉地方。爲褐色煤。係蒙古人所發見。礦區約占十六方里之大。民二始著手開採。該礦現屬廣信公司。

計有礦坑二。每坑深約七十五尺。共計採額不過八千餘公噸。大部份係供給滿洲里地方之需用。煤質較札蘭諾爾爲劣。

(二)鹼 產地在距海拉爾西南一百三十公里之胡吉爾泡。該泡寬約一公里。長約一公里有半。由廣信公司開採。總計五百公斤鹼料。可出純鹼四大塊。每年可採純鹼二千塊。約重一百五十公噸。

(四)鹽 採鹽與採鹼同歸廣信公司所開採。在白音諾爾及白音差岡湖地方。白音諾爾每年平均產五百公噸。白音差岡僅產二十公噸。全區收鹽工人僅百人。每日工資約一元五角。鹽區極廣。據上阿穆爾金礦公司化驗。此處之鹽爲硫酸鹽。並無炭酸及鹽素酸素之攙雜云。

(五)水晶 大興安嶺一帶。產水晶甚多。尤以三河村之得拉果謙闊

爲最。其他各種礦產。若石膏。瑩石。大理石。焦炭。鐵。所在多有。惜均貨棄於地。未見有大規模之開採。此外呼倫貝爾天然富源之最足稱道者。爲礦泉。礦泉之最著名者。爲哈洛興哈倫阿爾善礦泉。據醫院化驗結果。水甚清透。含鐵之混合物甚多。對於黏液分泌之薄膜皮上。有最大之刺激性。可治腹疾及傷寒病。前往該泉治病者。俄人最多。蒙古人次之。

(七)工業

呼倫貝爾自中東路修成後。該地境內漸有俄國移民來居。同時亦漸有各種技術上熟練之專門家。與精巧之工匠。地方上各種生業。亦漸趨仿效歐洲方式。就工業觀之。約可分爲二種。(甲)牲畜產品製造

業。屠宰場。灌腸廠。洗毛廠。製牛乳油廠。皮貨靴鞋及製革所等。

(乙)其他之工業。如火磨。製酒廠等。茲就甲種分別言之。

(一)屠宰場 分出口屠宰場與供給本地之屠宰場兩類。出口屠宰場。分設滿洲里與海拉爾兩處。尤以海拉爾屠宰場爲最良。每月能宰牛一萬二千頭。或羊五萬頭。豬六百隻之譜。場內設有絞殺牲畜絞轆五十架。宰猪大鍋一具。滿洲里之屠宰場。設備較海拉爾稍遜。

(二)製腸業 民國十三年以前。此項企業完全操之布拉文洋行之手。自後專賣權撤銷。同時產生製腸公廠六處。海拉爾占有五處。其一在滿洲里。就分配言。出口者多爲綿羊與山羊之羊腸。本地用者多爲牛腸。民十六以後。國外需求停止。價遂一落千丈。故現時製腸事業

。僅能行銷於北滿境內而已。

(三)洗毛廠 設於海拉爾伊敏河畔。設置頗稱完備。設有水壓機二座。一用以壓製獸皮。一用以壓製獸毛。洗毛廠與車站間。築有支線。以助運送。經該廠壓製之毛。歐美商人即可直接運赴外洋市場。無須運往他埠。另加包裹。

(四)牛乳油業 民元至民十之時。此項製油業係由俄國哥薩克人所經營。現時全境內。共有製造牛油工廠十七家。此外尚有分廠七處。專司購集牛乳。全境專供牛乳之牛隻。總計約共八千頭。每頭母牛。每年出乳約爲八二〇公觔。故呼倫貝爾每年可得牛乳六百五十六萬公觔。製油數量約爲二十萬公觔。消費牛乳共約四百三十八萬公觔。

(五)製革廠靴鞋廠地氈廠製毛廠 以上均爲阿苦洛夫實業公司所經營。所費不資。在呼倫貝爾工廠中。可稱設備最完備。其特異之點。在各該工廠。純爲單獨之組織。每年所出貨品。除大批發往中東鐵路東西兩路外。銷售於海拉爾哈爾濱兩處者。均設有門市。據查海拉爾門市每年之交易額。約大洋六萬元。哈爾濱約計大洋七萬五千元。以下再就乙種分別言之。

(一)火磨 呼倫貝爾製粉事業。分爲二部。其一爲沿車站附近區域。共有火磨四。其二爲鐵路線迤北特列黑列七衣及卜黑額爾古諾等處移民聚集區域。總計呼倫貝爾各火磨中。最有實業意味者。厥爲海拉爾之廣信公司。火磨發動機爲一百二十五馬力。每晝夜可製麪粉三十

三噸。如能安設原動力偉大之蒸氣發動機。則其製造能力。尙能發達。此外如阿苦洛夫等火磨。規模皆不大。

(二)製酒廠 呼倫貝爾釀酒企業。當以倭倫錯夫兄弟釀酒工廠爲最優良。最初製酒原料。係以土豆爲之。後因價昂。改用玉蜀黍及稷子。運銷地點爲蒙古滿洲里博克圖一帶。

(八)商業

呼倫貝爾商業之實權。始終操於吾國商人之手。其商業發達之最大樞紐。原於前清政府命將齊齊哈爾區域之索倫鄂倫春等各族人民移居境內。又以海拉爾爲副都統駐節之地。嗣後中東鐵路告成。其影響於呼倫貝爾商業之發達。亦爲一重要原因。考其商務。約分三類。

(一) 錢款交易。行之沿車站附近地帶。

(二) 半錢款半物品交易。行於蒙古牧野蒙人。與後貝加爾哈爾哈等沿邊地帶。

(三) 物品交易。行之山林深密處之遊獵民族。

呼倫貝爾商業中心。厥爲滿洲里及海拉爾兩處。近年貿易變遷。滿洲里商務日漸減退。海拉爾則日益繁盛。該兩處商店。大部分屬於吾國。考吾國商人所以能得呼倫貝爾優厚之勢力者。固因該地商會富有聯結之能力。然亦因各縣皆有商會。彼此互相提携。聲應氣求。故其成績斐然可觀。

呼倫貝爾商品之出入孔道。由東則哈爾濱直至海參崴。在西則與後

貝加爾相往來。中國與俄國交換之貨物。爲布疋。茶葉。味食品。酒。精。魚肉。羊毛等。俄國與中國交換之貨物。爲糧食。皮貨。沙金。牛油。及凍油等。茲將呼倫貝爾近年來出入口貨比例列表如左。

貨別	進		出	
	以一千美金爲單位	百分數	以一千美金爲單位	百分數
糧食	一,五六五,四	五四,九	六六〇,六	一九,一
牲畜食物	三三三,四	一一,七		
燃料	四三五,八	一五,二	四七六,九	一三,八
建築材料	三,四	〇,二	二八六,八	八,二
半製造物	二一,九	〇,八	一七一二,三	四九,三

製造物及其他	四九〇六	一七二	五六七	一六
牲畜			二七七、一	八〇
共計	二八五〇五	一〇〇〇〇	三四七〇四	一〇〇〇〇

以上表觀之。呼倫貝爾區域之商務。出口超過進口者計六十一萬九千九百元美金。商業前途如有改善之方。其進步寧有際涯。惟森林之盜伐。礦產之盜採。以及魚類之橫遭掠奪摧殘。不無可懼耳。

(九)貨幣

呼倫貝爾自流行幣制迄今。不過二十五年。從前不知金錢之爲用。購物恒以牛馬羊及皮張爲交換品。自東鐵通車。該處之原料品。乃得漸次推銷於外國。而外國之貨物。又無法全部交換蒙古原料品。於是

以生銀之流通。作購貨之媒介。此呼倫貝爾發見貨幣之濫觴也。現時呼倫貝爾之幣制。卽黑龍江所通行之幣制。其所異者。西部與蘇俄接壤。南部與外蒙古各旗毗連。其行使之貨幣。不得不隨鄰疆而有變易。故全區域內。貨幣可分爲銀錠。銀塊。銀幣。銅幣。紙幣數種。

(一) 銀錠銀塊。以兩爲單位。視輕重爲衡。有吉林銀與黑龍江銀之別。吉林銀成色爲九八六。黑龍江銀則爲九八二。此外尙有天津銀及上海銀之分。常見者爲五十兩之銀錠。其形式固定名曰元寶。與蒙古交易。純以元寶爲之。其數目較小者。則代以銀子銀塊。

(二) 銀幣多爲袁頭大洋。亦有小洋。惟小洋成色較大洋爲低。如

大洋爲一百分。小洋僅合九十分。故以小洋交易者。須另定行市。此外西南部。近二年來。發見多數外蒙古銀幣。價值略如大洋。正面寫全蒙古人民聯合國家一元字樣。背面寫純銀十八格蘭姆。該幣發行於民國十五年。中繪蒙古國徽火日月地及雙魚。

(三)銅幣卽爲銅元。有一文。二文。五文。十文。二十文五種。自民國十五年起。在邊界地方又發見外蒙古銅幣一分二分及五分數種。

(四)除以上硬貨外。有東三省官銀號。中國銀行。交通銀行。廣信公司。邊業銀行等發行之紙幣。其票額由五分起至百元止。

。惟僅行使於沿車站一帶。同時海拉爾蒙古銀行。亦發行紙幣。分爲一元三元五元二十五元及一百元數種。其行使範圍不廣。今幾絕跡於市。在邊界地方。尙有蘇俄發行之新幣及外蒙古所發之紙幣。此外呼倫貝爾因商業之關係。有借貸機關供給資金。故其境內所設銀行銀號錢舖當舖甚多。主要地點爲海拉爾滿洲里兩處。海拉爾有中國銀行分行。東三省官銀號分號。廣信公司分行。遠東銀行分行。蒙古銀行及中國商會銀行。錢號中最鉅者。爲興盛昌及九安兩家。滿洲里站有中國分行。廣信公司分行。遠東分行。及滿洲里商業銀行。錢號之最鉅者。爲興盛昌。九安。通盛。東興昌數家。各

銀行雖有中外之別。其營業方式均與歐洲同。

按呼倫貝爾經濟之狀況。實以漁獵所得。爲其經濟之本源。據最近調查。每年輸出之數目。總計爲三百四十七萬零四百元美金。漁獵部分占一百八十萬零四千七百元美金。實佔全額百分之五十二。可知呼倫貝爾經濟狀況之裕如矣。果能由政府方面加以指導及改良之方。則將來經濟上之進步。正未可量也。

第四章 呼倫貝爾社會狀況

(一) 衣食住行

宋小濂『額爾古納河岸野宿』詩。連天沙草落日黃。牛鳴馬嘯人在野。甌盧布帳須臾張。鑿坎架甌爨晚食。折蒿爇火燒羔羊。抽刀割肉恣飽啖。呼倫貝爾人之游牧生活。髣髴活躍于紙上矣。古所謂韋韝毳帳。以禦風寒。羶肉酪漿。以充飢渴之景況。至今依然。

住 呼倫貝爾之普通蒙人。每限於游牧。依水草而居。轉徙無常。概以穹廬爲棲止。此種天幕生涯。可蔽風雪。可防虎狼。穹廬滿洲語曰蒙古博。俗作包誤。博大小不一。惟皆作圓形。通常高度在十尺至十五尺之間。其構造法係就地劃直徑丈餘之圓圈。周圍排立木柱。柱

間用木棍縱橫組織。柱上端架木爲樑。成一傘形之屋。全部包圍毛氈數層。以馬尾繩縛之。頂中留天窗。以繩繫氈。得自由啓閉。藉以通空氣。透日光。出烟焰。博之南設門。高三尺五寸。裝小扉。垂氈廉。以便出入。門內左右。分置水缸木柴。中設爐具。周圍藉草。加以氈或皮。家人婦子同寢處焉。人口多而富者。或分居數博。博之張拆。皆甚便利。而張博之事。女子任之。須臾卽就。行旅投宿。無見拒者。

鄂倫春人習居山中。其廬帳以樺皮爲之。冬季復於樺皮之上。加蓋獸皮。此種廬帳。普通名曰窩鋪。

食 蒙人飲食。以炒米牛羊肉牛羊乳爲普通用品。而最普通者爲羊

肉。取炒米和牛乳白糖。沸水冲食。日食一次。可終日不飢。宰割牲畜。惟食其肉。以五臟與血穢且毒。盡棄擲之。經火煑製而成者。有乳皮牛酪兩宗爲最貴重。而奶豆腐及乾肉。則以便於携帶故。多儲藏爲冬令食品。至魚鳥米麵蔬菜。均非必需食物。飲料有乳酒。奶子茶。磚茶。紅茶。食器率用木碗。宴客以全羊席爲上。其視酪漿羶肉。如甘旨焉。

衣 蒙人衣服。多用染色之布。冬著不上面之羊皮袍。袖長幅闊。腰皆束帶。帶以綢爲之。類用黃紫綠三色。帽之形平扁。以毡爲之。緣反摺而上。亦有綢而尖形者。附以皮耳。頂綴紅纓一撮。而圓形緞面飾以金邊之便帽。尤喜冠之。履概用革靴。高鞞。底薄而寬。有尖

頭齊頭兩種。女子穿耳墜環。編髮爲一辮或雙辮垂背。嫁則束爲髻。首飾率用金或銀。惟居深山之蒙人。猶獵獸衣皮。如鄂倫春人所穿之衣服。大都用堪達罕鹿皮縫成。

行 蒙人之住食衣。已略如上述。至蒙人之行。駝馬而外。有達呼爾所製之一種輻輳車。又名轆轤車。亦曰大轂輪車。以牛曳之而行。其富者之車。則上覆木棚。蔽以蘆席。或內氈外布。或專用樺皮。不駕牛而駕馬。此外尙有俄國式之馬車。前後大小四輪。以膠皮或鐵爲之。駕以雙馬。其行較速。河渡則有臧艫札哈兩種。臧艫爲獨木船。長二丈餘。寬僅容膝。頭尖尾銳。可聯二三爲一。以濟車馬。札哈較臧艫爲小。而輕捷過之。又有以樺皮製舟者。爲鄂倫春人之利涉品。

而冬日行雪地河冰上。更有所謂冰撬其物。俗稱把犂。滿洲語曰法喇。式如冰床。屈木爲轅。駕以二馬。輕疾如飛。舊日尙有駕狗者。卽元時蒲輿路之狗車。所謂使犬部是也。

(二) 婚嫁喪葬祭祀

婚嫁 蒙人婚嫁。重媒灼。而以父母主婚。間有自由結婚者。門戶相當人家。大率由媒灼介紹。雙方同意後。女家先訪男家。於是男家携贈品回訪。又合意。則訂立婚約。聘禮富者或兼用錦帛銀兩。普通爲牲畜。其多寡視貧富爲差。婚期之前。先由媒灼與男家戚友致禮物於女家。是爲納采。次由喇嘛定合巹期。及期行親迎禮。婿乘馬負矢。抵女家。故閉門不納。雙方互以吉利語相應答。始延入設席。宴婿。

以後。女背面端坐。姨姑姊妹。圍坐四周。婿向女背跪問女名。女故不答。久之由陪坐者語之。謂之討小名。是夜婿宿女家。翌晨。女乘馬繞宅三週。隨男去。當其啓行時。喇嘛沿途誦經。至婿門。閉門問答如前狀。啓門後。隨行婚禮。院中置木棹。上設弧矢羊骨。或置一全羊。旁設火盆。夫婦同向跪拜。次見翁姑。拜佛像火竈及尊長。答親友禮。喇嘛誦經。佐以樂器。禮既畢。設宴款客。婚禮告成矣。

鄂倫春族女子出嫁。必由男子求婚。求婚者偕其父母前赴女家。徵求女父母同意。如得允許。則再定日期。商酌婚嫁之一切手續。至日新郎赴會。餽酒肉與女家。富家並餽贈其他各種禮物。然後始擇吉日成婚。

當行婚禮之前。男女兩家邀請一切親友。屆結婚之日。一律赴男家與會。女由其父沿途護送。而新郎之父。亦遠出迎接。自迎接地點起。一路步行唱歌而前。途次新郎之父與新娘之父。以及新郎新娘。均各挽手同行。抵窩鋪時。須先沿窩鋪前後。繞行數匝。始進帳內。隨將帳外堆積之薪。舉火燃燒。至所有親屬。一聞歌聲。即走避林中。其遠近以不見男家窩鋪爲止。至不聞歌聲望見濃烟時。始各奔回。致禮申賀。於是來賓圍薪而坐。男家設宴款待。婚禮至是遂亦告成矣。

蒙人之性道德。去吾人之理想甚遠。郭道甫謂婚姻大體是一夫多妻制或一妻多夫制。一妻多夫云者。非同時嫁於多數之夫。因其可以由離婚。並不守貞潔者多。再嫁三嫁。如司空見慣。(註一)郭氏爲呼

倫貝爾蒙籍人。其言似可信也。

喪葬 喪禮極爲簡單。無靈床。無供獻。不穿孝服。不用音樂。無芻靈紙箔之消耗。惟無貧富貴賤。均延喇嘛誦經。其葬法舊有天葬火葬之習。近亦有如漢人土葬者。所謂天葬。係於人死後。載尸於車。或置於駝馬之背。振策疾馳。以尸墜處爲葬地。供鳥獸食。過三日往視。尸亡則以爲已升天，倘猶存在。則以爲死者之罪惡未消。卽請喇嘛誦經懺悔。必至尸滅而後已。至於火葬。多因婦女癆病或產病死者。概以火焚其尸。至王公大家。則又以尸塗黃油。纏以白布。投之烈火。拾其灰燼。粘麥粉製作餅形。送入大喇嘛廟之寶塔。以爲光榮。

鄂倫春人之葬禮。多以死者填於樹洞以內。或埋於深林之中。年老

死者多有遺囑。子女須向親友宣讀。至雅庫特人。則通行土葬。故墓上置十字架。從西方風也。


祭祀 蒙人重祭祀。迷信宇宙間自然之現象。皆有神爲之主宰。故於陰曆正月八日祭星星。其普通心理。多以佛爲最高無上之主宰。家家供佛像。置爐焚香以爲常。而其崇祀鄂博。列爲重典。凡各旗鄂博。歲於五月或七月。由各旗致祀。合祀鄂博在海拉爾河北山上。每三年舉行大祭一次。以五月爲祭期。祭時喇嘛諷經。鼓鈸競作。先繞鄂博三周。且繞且誦。官民隨之。三周旣畢。舉火燒柴堆。以香火投之。再向鄂博行跪拜禮。祀事告終後。一般人民赴場競藝。作馳馬角力種種比賽。至祭祖一節。因多數天葬。無墓祭之可言。故均不祀祖先。

。近間有從漢俗。行土葬。舉行墓祭者。其祭期爲百日週年清明等日。祭時仍必延請喇嘛誦經。爲亡者懺悔焉。

(三) 宗教

呼倫貝爾之宗教。可分兩方面觀察。如新巴爾虎部及額魯德部信奉喇嘛教。而索倫部。達呼爾部及陳巴爾虎部。則信奉薩滿教。此兩教原始及制度內容。分述如左。

喇嘛教 有紅黃兩教之分。均爲佛教之支派。新巴爾虎額魯德兩部。本其固有之黃教信仰。准其部人披剃爲喇嘛。並免其當兵充役之義務。其法令生男二人。其一必爲喇嘛。三四男者。一人或二人出家任便。至於新舊布萊雅兩部。亦皆崇奉喇嘛教。



鄂 博

鄂博又稱敖包。乃一音之轉。清會典載。游牧交界之所。無山河爲誌者。疊石爲誌。謂之鄂博。蓋即古之封堆。而蒙人祀之勿衰。

喇嘛教所有制度。由前清政府規定。每翼建喇嘛廟一所。設西勒圖喇嘛一人。達喇嘛。德木齊喇嘛。格斯魁喇嘛。恩只德喇嘛。索勒喇嘛各四人。凡此皆爲有品級之喇嘛。有品級喇嘛之下。每廟設格衣格喇嘛二十四人。此外則爲普通喇嘛。其數目無定額。

喇嘛廟於每年廟會九日之外。並無他項開會傳教等舉。故需費甚少。惟各廟皆有公產。卽所謂牛羊扎薩。以供每年廟會之用。

廟會爲呼倫貝爾各部人民之最要禮節。皆以九日爲期。由第一日起。衆喇嘛每日在廟諷頌奏樂。至第七日爲祭祀鄂博之日。第八日爲焚棄索勒（註二）之日。第九日爲麥德爾佛繞廟之日。麥德爾佛卽所謂彌勒佛。蒙人以爲今日果能禮拜其像。則來世即可託生其國而享大福。

矣。

呼倫貝爾全境。喇嘛人數約有三千餘人。所有喇嘛概不娶妻。除每午會期赴廟諷唄外。大抵均隨其父母兄弟營游牧生活。而人民之信仰喇嘛。必虔必誠。殆視如第二生命焉。

薩滿教 亦稱黑教。一作巫教。索倫。達呼爾。陳巴爾虎。及鄂倫春數族。皆奉是教。其派別有二。一爲本族人氏之薩滿。卽每一氏族。均有其本族之薩滿。凡某族氏中人民之疾病禍災。皆與彼有密切之關係。一爲非族氏之薩滿。卽所謂由狐仙或鬼魂等所成之薩滿。凡信仰其神靈者。無論其爲何種氏族。亦皆與彼有密切之關係云。

惟薩滿教無寺廟。無經典。祇相信有一種神靈。擇一相當之人。爲

其使者。時常降附其心。藉以傳達鬼神消息。而命其使者。以治人民之各種疾病。人民即稱此項使者爲薩滿。凡薩滿帽上均有二銅角。如鹿角然。上懸彩綾。向後垂之。如披髮然。衣前面繫小銅鏡小銅鈴各六十。衣背中懸大銅鏡一。並以四中銅鏡附之。其下繫錦繡條裙。如垂尾然。並一手執單面鼓。一手執鼓槌。口唱呼神歌。且擊且唱。唱畢先進退跳舞數次。再環繞旋轉數次。倏忽間僵仆於地。俄頃又蘇。此時神靈已降附其心。遂由邀請者叩問疾病原因及如何救治方法。俗所謂跳神。即此是也。

天主教 後貝加爾布萊雅及通古斯人。多數信奉希臘正教。卽天主教。但亦有崇拜薩滿者。扎薩克圖人則多爲天主教徒。建有教堂。喜

喪等事。皆在教堂中行之。孩童生後。亦多抱往教堂受洗禮。人死則在坟上置十字架。並仍用俄國語言文字云。

(四) 神話與迷信

呼倫貝爾最著之古蹟。爲鐵木哥斡赤斤所築之城。現時呼倫貝爾民間。尙流傳一種神話。謂該內外二城（註三）之建。係斡赤斤因其公主畏懼日光。遂築此爲遮蔽日光之用。據云當公主誕生時。延請喇嘛誦經祝福。喇嘛以爲公主身犯日光之厄。應設法使終身避忌。方能延年獲福。於是斡赤斤卽興工築城二重。至今猶有遺跡可尋。

呼倫貝爾最著之湖。曰呼倫湖。湖遇風起。潮浪鼓蕩。水溢數丈。潮退如初。故馬飲湖水。不深入。頭必向岸。似防潮來。易於趨避。

湖中產魚甚豐。人不敢捕。因神話中向有魚爲馬魂之說。捕魚爲蒙人禁忌之一云。

鄂倫春人諺語。有謂全杯給自己。酒底則敬神。蓋其在飲酒之時。先將右手大指浸濕。然後入口。飲畢所剩酒底。例須潑向神像。否則信以爲大不敬。

呼倫貝爾西南部有溫泉。可以治療各種鍋疾。因此蒙人間有一種神話。謂此溫泉所在之地。昔爲貴人行獵之所。某年。某帝巡狩於此。一無所得。所獵傷者。僅一母羊。然亦旋即逸去。留有血跡在途而已。帝怒。下令將羊覓回。遂遣人循母羊血跡。追尋良久。卒至一溫泉。見血跡全泯。不復能踵跡往尋羊。歸報之帝。謂此泉之水。已將羊

之傷治愈。羊已不知遁往何所矣。帝聞之。愈怒。取槍擊傷歸報者之腿而言曰。毋羊之傷。汝既稱爲泉水治愈。汝亦應往試之。言畢揮之使去。事隔數日。帝派侍從往探究竟。不期此人果已大痊。與之偕歸。帝隨驚訝。疑有神意。當於附近山岡之上。修建一廟。奉祀其神。並令將所有泉之四周。圍以石。准一切病人沐浴。不取分文云。

又一說某帝病篤。已不省人事。喇嘛將帝抱入溫泉就浴。轉瞬即恢復知覺。再就溫泉沐浴數日。病象逐漸減輕。卒之完全告痊。風聲所播。舉國咸知。自是以降。病者之赴泉就浴者。成千累萬。目爲冥冥中有神保佑焉。

至今赴泉所沐浴者。其第一日須先向泉水祈禱。再將所持米粒或麵

粉。逐一擲於各浴池內。以冀神庥。以後沐浴時。皆須先向神柱屈膝。高聲祈禱。求病速痊。祈禱完畢。然後脫衣躍入池中。復以兩手作勢。朗讀禱文。喇嘛並規定日落之後。禁止往浴。其理由謂天黑時。所有泉所一帶神蛇。均集於浴池飲水。舉凡病人洗用之污水。皆由羣蛇飲盡之云云。

(五)教育

呼倫貝爾習俗榛莽。聲教自昔未被。光緒三年(公元一八七七年)。達呼爾部始設私塾於南屯。教授本部子弟十餘人以漢滿文字。是爲蒙人學漢文之始。光緒八年。呼倫貝爾副都統公署建文廟。附校舍二所。設學官一人。其教科分識字習字練弓箭三課。至光緒末年。宋小濂

創立兩等小學校。並派送學生。分別升入黑龍江省中學及滿蒙師範學校。

民國初元。蒙旗宣布自治。恢復舊制官學。廢從前所設之學校。迄民國七年春。郭道甫敖民泰等辦學。假副都統署爲學舍。八年春。由副都統署認爲蒙旗官立學校。任郭道甫爲校長。撥副都統署西院爲校舍。其後郭道甫復創立墨和爾圖屯女學。蒙人教育。至是始具端倪。其他如呼倫。臚濱。室韋。奇乾四縣。現皆設有小學校。教育已漸臻發達矣。

註一——見郭道甫所著「爲蒙古代禱文」。

註二——索勒係用麵粉捏成支以鼎足形之骷髏。據喇嘛云可以鎮壓邪氣。

註三——參閱第一章第八項古蹟門。

呼倫貝爾概要
第四章
呼倫貝爾社會狀況

第五章 呼倫貝爾之前途

(一) 呼倫貝爾問題之意義

民國十八年呼倫貝爾第二次獨立運動中之中心人物郭道甫。曾於是年九月敬日通電說明呼倫貝爾一區。在滿清時代雖爲八旗制度。而實際上確有自治部落之基礎。迨至光緒末葉。改黑龍江爲行省。呼倫貝爾亦改道制。而蒙旗制度雖未變更。惟因蒙人語言文字風俗習慣。與漢人諸多隔閡。其結果引起蒙漢兩族之惡感。適國體變更。遂激成呼倫貝爾之一時獨立。與黑龍江完全脫離關係。依附於外蒙古。嗣於民國四年恰克圖中俄蒙三方會議之結果。承認呼倫貝爾爲特別自治區。予蒙人以完全自治之權利。民國九年取消恰克圖呼倫貝爾自治條件。

縮小其範圍。而成今日之半自治。(註一)

郭道甫暨呼倫貝爾青年黨。皆不以半自治爲滿足。欲實現完全之自治。因之進行獨立運動。如由此獨立之意義言之。則呼倫貝爾問題。一言以蔽之。一民族自決問題耳。然其內容殊不若是之簡單。觀郭道甫之言曰。一般蒙旗當局(按卽指副都統衙門)。都是官僚階級。不僅沒有政治常識和世界眼光。甚至連保境安民的觀念也沒有。他們惟一的信仰是滿清皇帝的復活。所以他們一味的保存滿清的制度。並且竭力推行滿清種種腐敗流毒。因此呼倫貝爾一區。雖然樹着獨立自治的旗幟。但是實際上都向著自然淘汰和自取滅亡的道上走去。(註二)故呼倫貝爾青年黨所要求之自治。其前提在顛覆蒙旗今日之統治階級副

都統衙門。由青年黨自行執政。然後呼倫貝爾庶幾不致自然淘汰或自取滅亡。其弦外之音。固作如是想也。郭道甫又言。呼倫貝爾的北方。有斯拉夫民族的侵略。東方又來日本帝國主義的陰謀。都視巴爾虎民族爲祖上之肉。(註三)因此青年黨不得不起而圖自強。由是以觀。呼倫貝爾問題之意義。在政治上爲蒙旗青年對吾國要求獨立與自治之民族鬥爭。同時又爲反對部落封建制度對抗副都統衙門之階級鬥爭。至於國際關係上。俄國之政治與經濟的侵略。與夫日本之虎視眈眈。祇能促進其革命之動機。其革命之目標並非日俄兩國。我可以斷言。矧事實之昭示於吾人者。青年黨藉聯俄以自重。甚至卑躬屈膝於赤軍之前。奉行其呼倫貝爾蘇維埃化之命令。此所以我對呼倫貝爾之前途

。不能無言，

(二) 呼倫貝爾對中國之關係

吾國之與呼倫貝爾。有悠久之歷史淵源。(註四) 歸入吾國版圖。可謂毫無疑問。清雍正時。採取游牧備兵主義。(註五) 移蒙旗實邊。今日呼倫貝爾之蒙旗。皆當時自布特哈。阿爾泰。車臣汗等處移去者。於是設副都統專員。在未設副都統之先。一望荒涼。幾同無人之境。時其地歸黑龍江將軍管轄。有察邊之制。即於中俄分界處。每歲以五月爲期。派齊齊哈爾。墨爾根。黑龍江協領各一員。佐領。驍騎校各二員。共兵二千四百名。分三路至格爾畢齊。額爾古訥。莫里勒克。楚爾海圖各河。巡視有無牧痕。以防侵越碑界。至雍正十年。始撥

兵丁分牧駐防。但係採用旗制。情形與外蒙古迥不相同。蓋旗制係駐防性質。土地屬於國家。各旗兵丁。皆由官庫發給錢糧牲畜。至外蒙古則爲藩屬。土地歸其所有。故中國對呼倫貝爾之關係。與其對外蒙古之關係。不能相提並論。

呼倫貝爾與外蒙古之界限甚嚴。清設副都統後。在其與喀爾喀部車臣漢交界處。先後設十九卡。每二卡。官一員。兵十名。日夜防守。每月一換。此所以事實上呼倫貝爾自呼倫貝爾。外蒙古自外蒙古。不能以其民族相同。而遂謂其地亦相同也。

宣統初年。呼倫貝爾改設民治。分設府廳局。與內地無異。先一年。即光緒三十四年。(註六)設立邊墾總局。辦理呼倫貝爾全境墾務。

並招內地農戶前往。自民國九年收復呼倫貝爾。又改設縣治。在吾國行政系統之下。已非一朝一夕之事矣。

惟是我國對於呼倫貝爾。重安撫而不主鎮壓。收復之後。副都統衙門仍許其存在。今日直接統治蒙旗者。事實上仍爲前清所設之副都統。郭道甫所謂半自治。殆即指此而言。對此半自治之名。又誰曰不宜。

(三) 蘇維埃化之不可能

呼倫貝爾過去三次之獨立運動。無不與外蒙有關。亦無不與俄國有關。第一次獨立運動之以俄國與援作背景。已信而有徵。後且尊奉外蒙之哲布尊丹巴可汗爲皇帝。以呼倫貝爾屬於外蒙古而受其保護。然

則爲外蒙古之與援者誰乎。

郭道甫謂最近外蒙古與呼倫貝爾的問題。不管他們是獨立和自治。都有俄國做他們的後援。早先俄國在帝制時代是這樣的。到現在蘇維埃時代還是這樣的。(註七)又謂自從俄國蘇維埃政府成立以來。對於外蒙古的態度。是在精神上及物質上與以援助。造成獨立國家的基礎。對於呼倫貝爾。則取政治上文化上解放的態度。造成自治社會的基礎。(註八)又謂蘇俄在莫斯科設有東方勞動共產大學。在這個大學裏面。有外蒙內蒙和呼倫貝爾的青年們。蘇俄政府之注意呼倫貝爾。實在是不容諱言的。(註九)

俄國十月革命後。其東方政策在促成弱小民族革命。而從中漁利。

十餘年來。本此目的邁進。未嘗或渝。以外蒙古之蘇維埃化。不足以償其大欲。復進一步在呼倫貝爾。秘密進行其蘇維埃化運動。於是在第三國際之指導與援助之下。誕生呼倫貝爾青年黨。其後青年黨又得第三國際之指導與援助。爆發第二次獨立運動。其後更在蘇聯赤軍直接羽翼之下。發生在海拉爾組織蘇維埃政府之事實。至今青年黨之中央黨部。設在外蒙古之首都。而外蒙古則識者咸知其爲蘇聯所羽翼者也。

或問。呼倫貝爾果能蘇維埃化否乎。果能步外蒙古之後塵否乎。我皆知其不能也。何以言之。其理由實甚簡單。緣呼倫貝爾政治上尙在半封建時代。經濟上停滯在游牧生活之階段。人民思想上所表現者。

爲服從與保守。不脫帝王時代之意識形態。與共產主義如風馬牛之不相及。卽欲求其如外蒙古政治形式上之蘇維埃化。但以其地理上歷史上政治上與中國結有不解緣。藉令可能。亦不能如外蒙古之易易。矧青年黨爲少數中之少數之結合。前途不克大有爲。加以今日蒙旗中之統治階級。反對蘇維埃化運動甚力。第三國際之蘇維埃化夢想。恐終爲泡影而已矣。至於青年黨之冒險嘗試。則徒見其不自量耳。

(四) 呼倫貝爾之前途

郭道甫爲呼倫貝爾蒙旗中最進步之人物。其言曰。呼倫貝爾人民所需要的。僅僅是有限度的自治利民治條件。並不是想要脫離中國。(註)此誠出於肺腑之言。假定呼倫貝爾一旦脫離中國。無奈其本身獨

立之條件尙未具備。勢必至於爲外蒙古之藩屬。第一次獨立之殷鑒不遠。同時因其民族性好勇鬪狠。內部不易相安。亦勢必至於互爲征戰。如民國六年之役。其一例也。

郭道甫所謂有限度的自治。蒙旗始終保持勿替。統治蒙旗者。卽爲蒙旗之副都統衙門。副都統實儼然一諸侯也。司法權。兵權。財政權。皆集於其一人之身。所謂今日之半自治與當年之自治。我以爲不過五十步與百步之差耳。

然則呼倫貝爾之前途。如之何而後可。猶憶民國九年一月。呼倫貝爾蒙旗內向。取消特別區域。越四月。爲夏曆三月十五日。召集全旗大會。時東三省巡閱使張作霖。發表呼倫貝爾召集全旗大會訓詞。其

中云。一宜保衛地方。二宜講求牧畜。三宜推廣教育。四宜振興實業。凡此四端。皆屬呼倫貝爾切要之圖。尤爲今日當務之急。乃關心呼倫貝爾問題之人所不應忽視者也。

宋小濂爲吾國過去最關心呼倫貝爾問題之一人。在呼倫貝爾兵備道任內。曾上籌邊條陳。語多中肯。故作者於本書之終。樂於以宋之『將去呼倫貝爾留別司局諸僚屬』詩作結。宋詩云。

蒙旗重游牧。生計實在茲。可能致蕃息。比戶無凍饑。
其次在弭盜。保衛固安綏。可能制虜賊。無敢越雷池。
邊蒙俗儻野。教育良所宜。可能謀普及。絃誦遍荒陲。
尙武本舊習。此風今已衰。可能振頹靡。還我軍人資。

四者皆要政。愧未竟厥施。

註一——庸報乃一通信。題爲『呼倫貝爾之政治組織』。

註二——郭道甫著『呼倫貝爾問題』。

註三——同見郭著『呼倫貝爾問題』。

註四——可參閱本書第二章第一項『清以前之呼倫貝爾』。

註五——用宋小濂語。語見宋著『籌邊條陳』。

註六——即西元一九〇八年。

註七——見郭道甫著『呼倫貝爾問題』。

註八——全右。

註九——全右。

註十——全右。

呼倫貝爾概要 第五章 呼倫貝爾之前途

附 錄

東南	內興安嶺綽爾河源	布特哈	四二〇里
東北	額爾古訥河口	黑河道漠河縣界額爾古訥河與黑龍江匯流處	一五〇〇里
西南	西林呼都克卡倫	喀爾喀車臣汗部中右旌扎薩克多羅郡王	三二〇里
西北	塔爾巴幹達呼山	俄國扎拜嘎爾省(註二)	四五〇里

註一——此表爲督辦呼倫貝爾善後事宜公署所編製。時約在民國十一年。刊『呼倫貝爾志略』頁三十一。原註云。按呼倫貝爾區域。南廣北狹。爲袤長形。統四周道里計之。截長補短。得方里如表列之數。

註二——札拜嘎爾省。一譯後貝加爾省。

附錄二

呼倫貝爾境內中俄陸路國界鄂博表(註一)

名 事 別	方 向	地 點	設 立 年 月	號 數	附 記
塔爾巴幹 達呼山	倫境西北	塔爾巴幹達呼山向 北草地上	雍正五年 (註一)	五八	塔爾巴幹蒙語旱獭 也達呼斗蓬也以山 形似之故名
察罕敖拉	倫境西北	察罕敖拉向北貼近 於沙羅嶺上	雍正五年	五九	山名蒙語白色爲察 罕山爲敖拉
塔奔托羅海	倫境西北	塔奔托羅海向北貼 近托羅海嶺	雍正五年	六〇	塔奔蒙語五色也托 羅海山頂也山有五 頂故名
蘇克特依	倫境西北	蘇克特依向北附近 嶺上	雍正五年	六一	山名一作索克圖

額爾瓜里托羅海	倫境西北	額爾瓜里托羅海向北附近之最高處	雍正五年	六二	山名一作額爾庫里托羅海
阿巴該圖	倫境西北	額爾古訥河西岸正對海拉爾河中間在阿巴該圖嶺之凸處	雍正五年	六三	山名一作阿巴哈依圖解見卡倫

說明

按古無所謂鄂博之稱。清會典載。游牧交界之所。無山河爲誌者。疊石爲誌。謂之鄂博。蓋卽封堆之說。土人又謂爲敖包。乃一音之轉。呼倫貝爾西北隣俄。分割國界。設立鄂博。自雍正五年（註二）恰克圖條約始。查當日東路鄂博全案。由布爾古特依山南巴彥梁起。向東至阿巴該圖。共設六十三處。屬於呼倫貝爾邊界

者凡六。則其終止之點也。

按恰克圖條約第三條載。自察罕敖拉卡倫之封堆。至額爾古訥河岸蒙古卡倫之封堆以外。兩國派人驗明妥議控立封堆爲界。是爲呼倫貝爾設有國界鄂博之證。查舊有鄂博。每處各設兩箇。年久備弛。悉爲俄人殘毀。迄今基址多已模糊。然其地點名稱。界點號數。存於政府案檔。猶可考證。至表列方向號數。係由西向東計算云。

註一——此表爲督辦呼倫貝爾善後事宜公署所編製。刊於『呼倫

貝爾志略』頁四十六。

註二——雍正五年即西曆紀元後一七二七年。

附錄三

呼倫貝爾沿邊國界卡倫沿革表(註一)

西孟 里克	該阿 圖巴	放察 拉罕	山幹 達呼	塔爾 巴幹	音 義		設 置	復 設	年 代	距呼倫 城及各 卡里數	對 岸	現 在
孟克泊名西里 土阜之意	山名	蒙語白爲察罕山 爲放拉譯作白山	以山形似之故名 顯也達呼斗達也	塔爾巴幹蒙語旱 顯也達呼斗達也	年 代	第一 次	第二 次	九 年	九 年	距上卡 七十 里	該阿 圖巴	存
五 年	五 年	(註三) 年	(註二) 年	光緒 十四 年	年 代	第一 次	第二 次	十 三 年	十 三 年	距上卡 九十 里	蘇開 台拉	存
光緒 十三年	光緒 十三年	(註四) 十三年	光緒 十三年		年 代	第一 次	第二 次	九 年	九 年	距上卡 七十 里	該阿 圖巴	存
九 年	九 年				年 代	第一 次	第二 次	十 三 年	十 三 年	距上卡 九十 里	蘇開 台拉	存
蘇開 台拉	該阿 圖巴	沙爾 松			年 代	第一 次	第二 次	十 三 年	十 三 年	距上卡 九十 里	蘇開 台拉	存
					年 代	第一 次	第二 次	十 三 年	十 三 年	距上卡 九十 里	蘇開 台拉	存

魯巴 克彥	和奇 胡裕爾	溫都爾 胡都爾	巴雅斯 胡都爾	特蘇 依克	和巴 碩爾	多庫 博克	輝尼 托羅	額爾 得尼
蒙語富足之意	地名	胡都爾 胡都爾 爾高峻之謂	蒙語巴維斯富也 胡都爾紅也溫都	山名	和碩山之角也	蒙語意即青嶺也	寶貝也托羅輝山	蒙語額爾得尼多
五雍正	五雍正	五雍正	五雍正	五雍正	五雍正	五雍正	五雍正	五雍正
光緒三十三年	光緒三十三年	光緒三十三年	光緒三十三年	光緒三十三年	光緒三十三年	光緒三十三年	光緒三十三年	光緒三十三年
九民國	九民國	九民國 (註五)	九民國		九民國	九民國	九民國	九民國
距上卡 四十六里	距上卡 四十里	距上卡 五十里	距上卡 六十里	距上卡 五十里	距上卡 七十里	距上卡 七十里	距上卡 七十里	距上卡 七十里
雷矣別 布勒得	布 拉	闊 夫勒		圖 粗魯海	圖 司大列	圖 矣粗魯	都 塔	
存	存	存	廢	存	存	存	存	存

溫河	干珠河爾	牛爾河	爾畢河拉	勒莫克里	特殊依爾	布西伯克勒
河名	河名	河名	河名	河名	蒙語有磨子也	泉名
光緒十年	光緒三十四年	光緒十年	光緒三十四年	光緒十年 (註六)	雍正五年	雍正五年
					光緒三十三年	
九民年國	九民年國	九民年國	九民年國	九民年國	九民年國	
距上卡九十里	距上卡七十里	距上卡一百一十里	距上卡五十里	距上卡一百零五里	距上卡四十六里	距上卡六十里
葛其牙	洛烏夫西	洛巴夫西	西連音	一勾侖	布洽其羅	
存	民國十一年十一月十一日奇乾縣治遷設珠爾奇雅河卡則	存	存	存	存	廢

額勒和哈達	永安山	奇雅河	伊穆河	長甸
蒙語平安嶺也		河名	河名	
光緒十年	光緒十四年	光緒十四年	光緒十年	光緒十四年
民國九年劃回河道	民國九年劃回河道	民國九年劃回河道	民國九年	民國九年
距上卡七十里	距上卡一百里	距上卡一百里	距上卡九十里	距上卡九十里
司克大	各一大	穆赤幹	烏留畢	魯畢
存	存	原卡倫供歸伊穆河十一月十一日復以珠爾干河卡倫移此	存	存

說明

按卡倫爲古區脫遺制。區脫。土室也。胡兒所居邊境。以更番候

望。滿語謂之喀倫。俗稱卡路。關隘設兵瞭望之所也。呼倫貝爾地處三邊。當水陸要塞。自清雍正時與俄分界築立鄂博後。沿邊三面並設卡倫。觀右表所列卡倫。雍正五年爲十有二卡。此係最初所設之卡倫。至光緒十年。下游增設五卡倫。不幸光緒二十六年（註七）俄兵來犯。卡倫盡毀。至光緒三十三年。重設十一卡倫。三十四年增爲二十一卡倫。宣統三年。蒙旗宣布自治。於是卡倫再廢。時僅存有奇永額三卡倫。於民國元年劃歸黑河道節制。民國九年。呼倫貝爾來歸。隨將三卡倫劃回。復重設今之十八卡倫。至表中所列相距里數。均由西向東計算。是不可以不知。

註一——此表爲督辦呼倫貝爾善後事宜公署所編製。

註二——光緒三十四年卽西元一九〇八年。

註三——雍正五年卽西元一七二七年。

註四——光緒三十三年卽西元一九〇七年。

註五——民國九年卽西元一九一六年。

註六——光緒十年卽西元一八八四年。

註七——指一九〇〇年庚子拳亂。俄國出兵霸佔東三省。呼倫貝

爾首當其衝。爲哥薩克鐵蹄所蹂躪。卡倫盡爲所毀。

附錄四

呼倫貝爾紀事

宋小濂(註一)

興安嶺西北斗北。臚胸河外渺無極。黃沙滿地雪滿天。胡兒三萬服威德。憶昔國家全盛時。約束異類隨鞭箠。河上誓碑界已定(註二)。山頭鄂博石難移(註三)。此疆彼域各嚴守。誰敢試越鴻溝走。一草一木戴兵威。碧眼赤髯皆縮手。牛羊遍野駝馬鳴。千廬萬落騰歡聲。沐日浴月二百載。四境從無烽燧驚。世界風雲變倏忽。約書一紙來羅刹(註四)。毀垣入戶建飛輶。穴山跨江通修轍。藩籬自撤墮國防。黃巾兆禍虜騎猖(註五)。憑陵蹴踏等螻蟻。八年俯首飽豺狼(註六)。卽今亂定脫刀匕。電蛇笑看鸞輪駛。部落星居自曉昏。山川甌脫誰疆理。

我武生愧李將軍。我才遠遜趙翁孫。巖疆權鎮作都護。籌防拮据營邊屯。千五百里渺人迹。山高谿深岩如壁。陸無道路水無舟。到此仰天長太息。仰天太息空疑猶。何如且爲尺寸謀。裹糧分道據天險。開榛闢莽勤綢繆。營巢漸見初基植。河干遍樹黃龍幟。鄰族驚呼吉代來註七。官民相誠無妄肆。回頭切切語我蒙。尙武勿忘先代風。有馬可騎羊可食。同仇同憤圖邊功。魯陽揮戈日爲返。補牢莫恨亡羊晚。吁嗟乎。亡羊補牢雖已晚。餘羊尙在庶幾免。

註一——宋小濂。字友梅。清末任呼倫貝爾副都統。著有「呼倫貝爾邊務調查報告」。

註二——康熙二十八年。與俄羅斯締結尼布楚條約。在額爾古訥河立界碑。

註三——陸路分界封堆。以石爲之。蒙古語謂之鄂博。至今尙存。

註四——光緒丙申（一八九六年）。與俄羅斯訂中東鐵路之約。

註五——庚子拳民起事。俄兵藉口入據呼倫貝爾。

註六——自庚子（一九〇〇年）之變。俄兵入據呼倫貝爾。至丁未（一九〇七年）始撤。

呼倫貝爾概要 附錄

註七——俄人呼華人爲吉代斯基。斯基爲語尾。

附錄五

呼倫貝爾懷古

張家瑤(註一)

民國十年歲辛酉。我拋青甌漠北走。到此庫楞布爾爾。曠懷輿廢幻雲狗。遠眺峻嶺內興安。索岳爾濟亦不朽。額爾古訥一水環。兩大湖澤分左右。如斯形勝壯三邊。山河表裡信天然。更嚴俄疆與喀界。數十堡障相勾連。胡爲羅刹竟深入。乾淨土徧染腥羶。黃髮碧瞳猱獍異。鞬鞞格磔語難詮。憶昔黃帝封域廣。大鮮卑山關榛莽。傳至拓跋徙而南。烏洛侯來據茲壤。失韋八部跨烏江。契丹角逐稱雄長。兀朮長城斷若連。而今憑弔意惘惘。蒙兀滅俄湯沃雪。哲種猶言黃禍烈。帖尼河畔陣雲深。扎木合帝終撲滅。根河關灤考遺踪。烈祖諸子封土裂。

○明定塞北準擾清。飲馬捕魚幾流血。曼珠崛起土宇寬。泥撲處屬茂
明安。奈何一日甘割讓。額河古湟界汎瀾。瓊瑋北京兩續約。讀之令
人心倍寒。金甌自是痛殘缺。斯拉夫族任盤桓。加以汽轂貫西東。抉
藩破籬大交通。黃巾無端興妖孽。扼吭拊背召外戎。入我堂奧利我土
○野心未已誘我蒙。漁林曠墾締密約。脂膏吮吸患無窮。天幸悔禍厭
邦隣。紅白薔薇亂同長。糾我貔與虎。驅彼豕與狼。黃種勢力未可量
○成吉斯汗旭烈兀。土人毋忘祖業強。况復索倫耐苦戰。騎兵勇敢稱
獨擅。使夫使鹿民族雄。雪窖冰天經鍛鍊。從此奮鬥振精神。整頓江
山清荒甸。吁嗟乎。整頓江山清荒甸。塵沙揭起風雲變。

註：張字魯箴。籍遼寧復縣。其生平不詳。

附錄六

呼倫貝爾獨立運動之內幕（譯自密勒氏評論報第五十一卷第四期）

過去一星期由哈爾濱與遼寧傳來之消息。使吾人確信赤俄已在北滿利用蒙古青年。在呼倫貝爾進行其所謂自治運動。查呼倫貝爾位於黑龍江省界內。其面積廣約七萬六千平方英里。較之美國伊里諾斯洲。尙大逾三分之一。實爲中國一最有價值之地帶。其北有愛琿江。沿江藏金頗富。俯拾即是。三河一帶。亦在呼倫貝爾境內。土地肥沃。適於耕稼。海拉爾往北則草木豐茂。牛羊成羣。一絕好遊牧之地。興安里山脈迤西。樹木葱鬱。高可插天。迄今仍爲處女森林地帶。從未加以斧柯。滿洲里扎蘭諾爾。復有煤礦。產量極廣。可供呼倫貝爾全境燃

料之用。且呼倫貝爾爲北滿邊防重地。惟人口甚稀薄耳。

呼倫貝爾久爲俄人所侵佔。帝俄時代之人民與夫今日共產黨政府下之黨員。都視爲俎上之肉。一九二八年八月。蘇聯曾煽惑蒙古青年黨在海拉爾附近暴動。幸不久卽爲中國官廳鎮壓。未生重大波瀾。此後中國方面發覺此項暴動。確係與中東路有關之蘇聯官員所煽惑。而供給其資金作亂者。卽爲哈爾濱之遠東銀行。

呼倫貝爾亂事平息後。仍由中國當局維持秩序。未再生事端。至去夏中俄糾紛事起。呼倫貝爾又漸現不穩。七八月間。哈爾濱紛傳蘇維埃政府派員赴外蒙組織蒙古軍。圖由外蒙侵入呼倫貝爾。十月初。呼倫貝爾告警。遠東紅軍司令布留海爾遣騎兵四隊入三河騷擾。三河位

於愛璉河畔。距中東鐵路軌道不過數英里。屬呼倫貝爾。有人口二萬。皆俄國僑民。在過去十一二年中陸續由俄境遷入者。布留海爾將軍之赤色騎兵。多携有機關槍。既侵入三河。即大顯威武。屠戮人民。惟恐不多。婦孺亦皆不免。十數處之俄僑村落。均被蹂躪於赤軍鐵蹄之下。計死難者在二千名以上。未死之一萬七千五百名俄僑。九死一生。於十一月間均逃至哈爾濱。跋涉數百英里之長途。或乘車。或步行。與冰雪奮鬥。顛沛流離。極人間之艱難困苦。中途死者數百人。且其地尙居有中國人數百人。亦遭赤軍同樣之屠戮。幸而免者均逃至中東路之沿線。或仍遷回興安嶺。是時哈爾濱之美國紅十字會。及俄國之救濟團體。均曾設法救助。事實俱在。不容掩飾。

蘇聯軍隊於七。八。九。十。四個月內。屢圖攻破中東路西線盡頭之中國防地。雖再三嘗試。皆未奏效。然至十一月十七。十八。十九。三日。國民軍與改組派在廣東河南起事。而與中央政府爲敵。蘇聯乃乘時大舉進攻。因其軍械精良。有飛機數十架。坦克車多輛。飛機上均裝有機關槍。且滿儲炸彈。任意攻擊。中國軍隊遂爲所敗。赤軍之進攻。居然得最後之勝利。同時赤軍利用赤色軍官所指揮之蒙古軍隊。自蘇聯控制下之外蒙入寇呼倫貝爾。赤軍一方破壞鐵路。一方炸毀中東鐵路沿線之中國城鎮。中國軍隊不得已。退至興安嶺。從此呼倫貝爾境內。不見中國兵士之蹤跡。中國居民。與夫俄國之僑民。亦皆逃避一空。

十二月初。蘇俄又爲進一步之動作。武裝赤軍及其所指揮之蒙古青年黨。居然開進海拉爾。宣布獨立。成立所謂呼倫貝爾共和國。以海拉爾爲國都。且活動份子多係庫倫派來之蒙古青年共產黨員。完全受蘇聯共產黨員之指揮。若輩亦有多數從庫倫赴呼倫貝爾。進行其赤化工作。

哈爾濱之英美日法意各國領事。爲明瞭呼倫貝爾之真相起見。曾開一專車。自哈西上。但至博克圖卽不克前進。中國當軸實無法保證該車之安全西上。此何以故。卽因博克圖至滿洲里間之中東鐵路。今皆爲赤軍及赤軍所指揮之蒙古黨人所佔。致該車終於十二月二十二日開回哈爾濱。

中俄雙方代表。最近曾在伯力舉行和平預備會議。聞雙方業經同意恢復中東路原狀。相互釋放拘押之僑民。以及自邊境撤回軍隊。中國方面當然提出赤軍自呼倫貝爾撤退之問題。所怪者。赤軍對於蒙古青年在呼倫貝爾之獨立運動。未表示負何種責任。莫斯科之消息。且謂該地對於海拉爾之情形全不明瞭。不過事實上赤俄曾在海拉爾設立鐵路票房。發售赴蘇聯國境之客車票。能通至莫斯科。海拉爾赤塔間。亦往返通行列車無阻。

蘇聯在呼倫貝爾活動之事實。已盡如上述。國民政府因討伐叛軍之故。無力北顧。於是遼寧政府在實際上。不得不接受俄方恢復中東路原狀之條件。或者甚至被強迫承認赤黨在呼倫貝爾之統治權。亦未可

知。因此可預料日本必乘機活動。因莫斯科伸其勢力於呼倫貝爾。即無異破壞滿洲之均勢。更因日本在呼倫貝爾有相當之設資關係。加以近年來。日人在海拉爾一帶購用食物。決不能漠視無動於中。據哈爾濱遼甯兩方面之消息。日人近已非常注意呼倫貝爾之情形。日人對於赤俄在呼倫貝爾之活動。似居於反對之地位。日本某軍官云。此事將使日本在南滿之利益大受影響。並聞日本政府已向駐東京之蘇聯大使。口頭上提出抗議矣。朱乃一譯

